

尚書今古文注疏

禹貢第三上

虞夏書三

尚書今古文注疏卷三

賜進士及第授通奉大夫山東督糧道加三級孫星衍撰

經

貢者廣雅釋詁云上也稅也釋言云獻也楚語觀射

父曰天子之田九畝王取經入焉以食萬官注云經
常也常入征稅也詩甫田傳云彼太古之時以丈夫稅
田也歲取十千於井田之法則一成之數也九夫為井
井稅一夫其田百畝井十為通通稅十夫其田千畝通
十為成成方十里成稅百夫其田萬畝欲見其數從井
通起故言十千上地穀畝一鍾據此則黃帝制井田當
有稅夫之法即貢也史記五帝本紀云軒轅乃習用于
戈以征不享索隱云謂征諸侯之不朝享者本或作亭
案考工記注鄭司農云奠讀為亭則亭即奠顧命所謂
一二臣衛敢執壤奠鄭注以為享禮亦貢也古有稅民
之法及諸侯貢法堯時遭洪水不能修其制至禹始更
作之夏本紀云禹乃行相地宜所有以貢及山川之便
利詩韓奕云維禹甸之箋云禹甸之者決除其災使成

平田定貢賦於天子孟子滕文公篇云夏后氏五十而貢殷人七十而助周人百畝而徹其實皆什一也注云民耕五十畝者貢上五畝古以貢當稅卽經所言賦凡貢之物不在賦外故孟子云夏貢什一也

禹敷土

注

史遷敷作傳馬融曰敷分也鄭康成曰敷布

也布治九州之水土敷一作溥

疏

史公敷作傳者夏本紀云禹乃遂與益后

稷奉帝命命諸侯百姓興人徒以傳土傳與敷音相近蓋釋傳爲治也孟子滕文公篇云舉舜而敷治焉注引經云是言治其土也廣雅釋言云傳敷也治水土非一人之力故奉帝命興人徒馬注見史記集解云分者言分爲九州漢書地理志注云敷分也書序云禹別九州馬義所本鄭注見周禮大司樂疏云敷布者山海經海內經云帝乃令禹布土以定九州布土卽敷土詩傳云敷布也說文云尊布也敷收也書傳以敷爲尊音相近假借字又鄭注周禮大司樂云禹治水傳土言其德能大中國也商頌長發云禹敷下土方箋云禹敷下土

正四方廣大其竟界之時始有王天下之萌兆鄭意又以敷爲大者詩傳云溥大詩釋文引韓詩敷敦淮濱云敷大也荀子成相篇作溥隨山刊木注史遷隨作行刊作表鄭康成

曰必隨州中之山而登之除木爲道以望觀所當治者則規其形而度其功焉刊一作槩亦作槩疏史公說隨

雅釋詁云隨行也淮南修務訓隨山槩木高誘注隨循也循義近行刊爲表者周語云道無列樹注云古者列樹以表道刊蓋削而識之鄭注見書疏以刊爲除者春秋左氏襄廿五年傳云井堦木刊注云刊除也刊說文作槩云槩識也引此文讀若刊篆又作槩又云槩表斫也魯語云山不槩藥注云槩斫也槩識者斫木爲識卽表道也管子形勢解云禹身決瀆斬高橋下以莫高山爲民利蓋古說以刊木爲斬高木以橋下隰也

大川注史遷說莫爲定大傳說高山大川五嶽四瀆之

屬馬融曰定其差秩祀禮所視也

疏

史公說奠為定者周禮司市云平肆

展成奠賈注云奠讀為定杜子春云奠當為定是奠與定通也大傳說高山大川為五嶽四瀆者見史記集解今大傳脫文大傳云五嶽謂岱山霍山華山恒山嵩山也江淮河濟為四瀆五嶽視三公四瀆視諸侯其餘山川視伯小者視子男見白虎通巡守篇五嶽以南嶽為霍山今文家說也見堯典疏馬氏注見史記集解書疏及王制疏引鄭注大傳云所視者謂其牲幣案盛饗豆爵獻之數非謂尊卑足証馬義也

注

史遷說為禹行自冀州始冀州既載馬融曰載載于

書也鄭康成曰兩河間曰冀州不書其界者時帝都之

使若廣大然載之言事事謂作徒役也禹知所當泊水

又知用徒之數則書於策以告帝徵役而治之

疏說文云冀

北方州也淮南子地形訓云正中冀州曰中土注云冀大也四方之主故曰中土也呂氏春秋有始覽云兩河之問爲冀州晉也注云東至清河西至西河書疏引李巡云兩河間其氣清厥性相近故曰冀冀近也釋名云冀州取地以爲名也其地有險有易帝王所都亂則冀治弱則冀彊荒則冀豐也按鄭注舜肇土有二州云舜於舊九州外分青州爲營州冀州爲并州幽州至夏仍合爲九州則禹貢冀州兼幽并二州之地故說文以爲北方州字从北也史公說爲自冀州始者詩傳云載始也則史記下云冀州旣載說爲冀州旣始耳馬注見釋文云載於書者春秋左氏僖六年傳云載在盟府注云載載書也鄭注見史記集解又見公羊傳莊十年疏及書疏云兩河間曰冀州者用釋地文云不書其界者据下兗州有云濟河惟兗州海岱惟青州已下諸州皆書其界則此亦當以山河爲界而不書之使若廣大也云時帝都之者春秋左氏哀六年傳引夏書曰惟彼陶唐有此冀方注云唐虞及夏同都冀州疏云堯治平陽在冀州也地理志云河東本唐堯所居詩風唐魏之國也又

平陽應邵曰堯都也在平河之陽都國志太原郡晉陽本唐國注云毛詩譜曰堯始都於此後遷河東平陽平陽故城在今山西臨汾縣西南云使若廣大者高誘注淮南云冀大也義與鄭同云載之言事者周書諡法云戴事也漢書載其清靜卽事其清靜云作徒役者因夏本紀有奉帝命諸侯百姓興徒以傳土故云然也

壺口治梁及岐

注

馬融曰壺口山名鄭康成曰地理志

壺口在河東北屈梁山在左馮翊夏陽岐山在右扶風

美陽西北於此言治梁及岐者蓋治水從下起以襄水

害易也

疏

馬注見釋文鄭注見史記集解又見詩周南

郡北屈禹貢壺口山在東南鄭于北屈下脫東南或省文水經禹貢山水澤地所在同案北屈在今山西吉州西山在州西南七十里又漢志馮翊夏陽禹貢梁山在西北鄭脫西北水經禹貢山水澤地所在云在夏陽縣

西北河上案夏陽縣在今陝西韓城縣西南山在縣西
北九十里漢志右扶風美陽禹貢岐山在西北中水鄉
周太王所邑案美陽在今陝西扶風縣北山在陝西岐
山縣東北十里水經汾水注云汾水南與平水合水出
平陽西壺口山尚書所謂壺口治梁及岐也此山在今
山西汾陽縣西南與地理志說異云治水從下起者書
疏云壺口西至梁山梁山西至岐山從東向西言既修
之也按梁岐是雍州山而見于冀州故云從下起

太原至于岳陽注鄭康成曰岳陽縣太岳之南于地理

志太原今以爲郡名太岳在河東故縣彘東名霍太山

疏修者廣雅釋詁云治也陽者說文云山南曰陽鄭注

見詩唐風譜疏云太原今以爲郡名者地理志及郡

國志云太原郡在晉陽屬并州杜氏春秋釋例云晉大
鹵太原大夏參虛晉陽一地六名案今山西太原府太
原縣也云太岳在河東故縣彘者漢志河東郡彘霍太
山在東冀州山案彘縣在今山西霍州西山在州東南

三十里 **覃懷底績至于衡漳** **注** 史遷說底績為致功馬融

曰衡漳水名鄭康成曰懷縣屬河內地理志云漳水出

上黨沾縣大要谷東北至安平阜城入河行平六百八

十里衡漳者漳水橫流入河 **疏** 覃懷者地里志河內郡

記索隱云蓋覃懷二字或當時其為一地之名按懷縣

故城在今河南武陟縣西即覃懷也史公說底為致者

釋言文績為功者釋詁文也馬注見釋文鄭注見史記

集解又見周禮職方氏疏及書疏引地理志云云者漢

志上黨長子鹿谷山濁漳水所出東至鄴入清漳沾縣

大要谷清漳水所出東北至阜城入大河過郡五行干

六百八十里與鄭所引畧同而鄭不引濁漳以其入清

漳畧之也案沾縣今山西樂平縣阜城字或譌為邑城

今屬直隸河間府云衡漳漳水橫流入河者經典衡多

與橫通水經濁漳水又東北過斥漳縣南注云魏太祖

鑿渠引漳水東入清洹以通河漕名曰利漕渠漳津故
瀆水斷舊溪東北出涓流灌注而已尙書所謂覃懷底
績至於衡漳者也又北逕平恩故城西按斥章故城在
今直隸曲周縣東平恩故城在今山東邱縣西史記正
義引括地志云衡漳水在瀛州東北百二十里平舒縣
界也平舒漢之東平舒今直隸大城縣清漳水過郡五
者上黨魏郡廣平鉅鹿信都也厥土惟白壤史遷厥皆作其馬融曰

壤天性和美也

疏

史公厥皆爲其下不更出馬注見釋文以壤爲天性和美者說文云壤柔

也鄭注周禮云壤亦土也變言耳以萬物自生焉則言
土土猶吐也以人所耕而樹藝焉則言壤壤和緩之貌
然則鄭于此雖缺注義亦與馬同也厥賦惟上上錯馬融曰地有上下

相錯通率第一鄭康成曰此州入穀不貢賦之差一井
上上出九夫稅上中出八夫稅上下出七夫稅中上出

六夫稅中中出五夫稅中下出四夫稅下上出三夫稅

下中出二夫稅下下出一夫稅通率九州一井稅五夫

疏賦者廣雅釋詁云稅也錯者詩傳云雜也馬注見釋文云通率第一者九州之中為第一也偽傳云雜出

第二非馬義鄭注見書疏及王制疏云此州入穀不貢者王制云天子百里之內以其官千里之內以為御注

云謂此州之田稅所給也官謂其文書財用也御謂衣食周禮問師疏引鄭志云田稅如今租矣王制又云千

里之內曰甸注云服治田出穀稅千里之外曰采注云九州之內地取其美物以當穀稅據此知冀州畿內惟

入穀稅也詩甫田疏引鄭志云凡所貢篚之物皆以稅物市之隨時物價以當邦賦周禮太宰以九貢致邦國

之用疏云諸侯國內得民稅大國貢牛次國三之一小國四之一所貢者市取當國所出美物則禹貢所云厥

篚厥貢之類是也據此知餘州雖有厥貢之文不入穀準其賦之額買土物以貢此州不言厥貢以帝都所需

令有司市買不煩諸侯貢篚故入穀不貢也云賦之差
一井上上出九夫稅者江氏聲云孟子云夏后氏五十
而貢殷人七十而助周人百畝而徹其實皆什一也又
云井九百畝其中爲公田又云惟助爲有公田是則夏
制什一稅夫田不畫井鄭注周禮匠人備引孟子文而
云周制畿內用夏之貢法稅夫無公田是鄭氏亦謂夏
時無井田也此以井計者以九夫爲井差爲九等甚便
故假以言之爾王制疏云以禹貢九州有上中下三等
故以井田計之是也云一井上上出九夫稅者一井之
中九夫各以所收之什一爲稅上中出八夫稅者謂通
九夫共出八夫所收之什一爲稅以下至出一夫稅皆
謂九夫通出其什一也詩甫田疏節引此注而以爲鄭
欲品其多少無所比況遂以九井擬之以示稅之多少
非其實稅之也是以其賦之輕重懸殊而疑其非實稅
案左氏襄二十五年傳云度山林鳩藪澤辨京陵表淳
鹵數疆潦規偃豬町原防牧隰臯井衍沃疏引賈逵注
以爲賦稅差品云山林之地九夫爲度九度而當一井
也藪澤之地九夫爲鳩八鳩而當一井也京陵之地九

夫爲辨七辨而當一井也淳鹵之地九夫爲表六表而當一井也疆潦之地九夫爲數五數而當一井也偃豬之地九夫爲規四規而當一井也原防之地九夫爲町三町而當一井也隰臯之地九夫爲牧二牧而當一井也行沃之地畝百爲夫九夫爲井夫曰九度而當一井非卽一井出一夫稅乎其九等之差正與此九等之稅同何見而疑此非實稅耶雖此是田賦與左傳通計山林等九者不同然周禮授民田有不易一易再易則田之肥磽固有相懸數倍者且如左傳所云九等之地九州皆有苟是州沃衍之地多則統一州而計通率一井可得八九夫稅設是州山林藪澤之地多則統一州而計通率出一二夫稅況其田有不易一易再易之殊則一井稅五夫者有九夫稅有一夫稅合之共十夫均分之則各五夫其八夫通二夫七夫通三夫六夫通四夫均之則皆然率一井稅五夫也周禮授民田不易者百數一易者倍之再易者三之通率三家而受六夫其野則六家而受十三夫其賦則惟計見耕之田而稅之通而計之則一夫之地惟稅五十畝故管子幼官篇云田

租百取五卽此制也地力肥磽古今如一推之夏制田賦之法當亦一夫惟稅五十畝故孟子曰夏后氏五十而貢其實什一也熊安生禮疏云夏厥田惟中中

馬

融曰土地有高低下鄭康成曰地當陰陽之中能吐生萬

物者曰土據人功作力競得而田之則爲之田田著高

下之等者當爲水害備也

疏

田者說文云陳也樹穀曰田象四口十阡陌之制也

爾雅釋文引李注云田陳也謂陳列種穀之處馬注見釋文云土地有高低下者據地勢言之不論肥瘠也鄭注見書疏云地著高下之等者田之九等以地形高下分之不與賦同漢書敘傳云坤作墜執高下九則注引劉德曰九則九州土田上中下九等也是鄭本舊說且田之九等上者非肥下者非磽溝洫志賈讓奏言若有渠溉則鹽鹵下濕填淤加肥故種禾麥更爲秔稻高田五倍下田十倍詩信南山疏引孝經注云高田宜黍稷下

田宜稻麥是田之高下各有宜種之物故鄭云當爲水害備也江氏聲云崑崙高一千里九州在崑崙東南故西北高東南下雍州在西北田上上揚州在東南田下下推之餘州知以高爲上卑爲下也王肅等云土地各有肥瘠不應冀州中中之田反出上上之賦雍州田上上反出中下之賦其說非是云地當陰陽之中者五行木火爲陽王于春夏金水爲陰王于秋冬土位中央王于四者之間是當陰陽之中也云吐生萬物者白虎通五行篇云土主吐含萬物土之爲言吐也云據人功作力競得而田之則謂之田者釋名云田填也五稼填滿其中也已耕者曰田周恒衛既從大陸既作

陸史遷

書多方云畋爾田是也

恒衛既從大陸既作

衛水在靈壽大陸澤在鉅鹿北爾雅釋地八戴晉有大

陸

史公恒作常地理志亦稱恒山爲常山郡鄭注見史記集解及通典又見周禮大司徒疏引地里志

者漢志常山郡上曲陽恒山北谷在西北并州山禹貢
恒水所出東入沁靈壽縣禹貢衛水出東北東入虡池
水經云沁水東過中山上曲陽縣北恒水從西來南注
之注云自下沁水兼納恒川之通稱焉卽禹貢所謂恒
衛旣從也案上曲陽今直隸曲陽縣恒山在西北恒水
合沁水在縣東北靈壽今屬直隸眞定府衛水在縣東
北又南流逕縣東入虡池鄭以大陸爲鉅鹿者地里志
鉅鹿禹貢大陸澤在北案古澤在今直隸鉅鹿縣北今
則在新河寧晉二縣之交此班氏及鄭氏義也呂氏春
秋有始覽云晉之大陸注云魏獻子所居又云趙之鉅
鹿注云廣阿澤也是則秦時說大陸鉅鹿爲二處春秋
左氏定元年傳魏獻子田于大陸還卒于甯注云疑此
田在汲郡吳澤荒蕪之地甯今修武近吳澤書疏引杜
氏春秋說云嫌鉅鹿絕遠以爲汲郡修武縣吳澤也淮
南地形訓亦分大陸鉅鹿爲二藪然則爾雅旣云晉有
大陸注以爲趙之鉅鹿廣河澤非也禹貢大陸亦當以
晉之吳澤爲是在今河南修武縣水經淇水注引晉書
地道記曰朝歌城木末邑也紂都在禹貢冀州大陸之

野卽此矣水經濁漳水注云自甯迄於鉅鹿出於東北皆爲大陸則合大陸鉅鹿爲一酈氏爲調停之說疑非也古說當從

島夷皮服

注史遷島作鳥馬融曰鳥夷國修武之大陸

鄭氏曰鳥夷東北之民賦食鳥獸者

疏

史公島作鳥者島當爲鳥集韻

三十二皓云島古作鳥馬注見釋文鄭注見史記集解及書疏皆作鳥疏引東北作東方賦作搏

夾右

碣石入于河

注

史遷河作海鄭康成曰戰國策碣石在

九門縣今屬常山郡蓋別有碣石與此名同今驗九門

無此山也禹由碣石山西北行盡冀州之境還從山東

南行入河治水旣畢更復行之觀地肥瘠定貢賦高下

疏

漢書武帝紀詔曰東巡海上至碣石注文穎曰在遼西桑縣桑縣今罷屬臨渝此石著海旁水經禹貢山

水澤地所在云碣石山在遼西臨榆縣南水中注云大禹鑿其石夾右而納河秦始皇漢武帝皆嘗登之海水西侵歲月逾甚而有其山故云海中矣水經河水注又云河之入海舊在碣石今川流所導非禹瀆也周定王五年河徙故瀆故班固曰商竭周移也又云漢武帝元光二年河又徙東郡更注勃海是以漢司空王橫言曰往者天嘗連雨東北風海水溢西南出侵數百里故張揖云碣石在海中蓋淪於海水也案臨渝今奉天府西境地史公河作海者集解徐廣曰海一作河酈道元旣云夾右而納河則入河亦是也鄭注見書疏云戰國策碣石在九門縣云云者地里志常山九門無碣石山郡國志常山國九門劉昭注有碣石山引戰國策云在縣界今戰國策無此文案九門今直隸藁城縣無山可指故鄭云今驗九門無此山也地里志漁陽驪成大碣石山在縣西南案驪成今直隸撫寧縣屬永平府蓋近臨渝然則九門旣無山可証鄭云別有碣石或以禹貢碣石在臨渝今濟河惟兗州

注

史遷兗作沈鄭康成曰言

注脫文耳

沈州之界在此兩水之間濟一作沛兗一作沿疏兗卽沈字

橫水在上隸之變也經文下作沅濟本字作沛說文沛

沅也東入于海經作濟假音字此濟出常山房子贊皇

山名石濟今在直隸爾雅釋地云濟河間曰沅州注云

自河東至濟公羊疏引李巡云濟河間其氣專質厥性

信謹故曰兗兗信也釋名云兗州取兗水以爲名也晉

書地理志引春秋元命包云兗端也信也呂氏春秋有

始覽云河濟之間爲兗州衛也注云河出其北濟經其

南沅作沿者說文云沅九州之渥地也故以沅名焉古

文作沿又作容鄭注見史記集解云在此兩水九河既

之間者亦如高誘注河出其北濟經其南也

道注馬融曰九河名徒駭太史馬頰覆釜胡蘇簡潔鈞

盤鬲津鄭康成曰河水自上至此流盛而地平無岸故

能分爲九以衰其勢壅塞故通利之也九河之名徒駭

太史馬頰覆釜胡蘇簡潔鈎盤鬲津周時齊桓公塞之

同爲一今河間弓高以東至平原鬲津往往有其遺處

焉疏

九河之名見爾雅云從釋地已下至九河皆禹所

徒衆起故曰徒駭孫炎云徒駭禹疏九河用功雖廣衆

懼不成故曰徒駭郭注云今在成平縣漢地理志勃海

成平庫池河民曰徒駭河太平寰宇記云滄州清池縣

本漢浮陽縣徒駭河九河之一與清池相接案成平在

今直隸獻縣東南也曰太史書疏引李巡云太史禹大

使徒衆通其水道故曰太史詩疏引孫炎云太史者徒

衆故依名云釋文引或云太史者史官記事之處元子

欽齊乘云太史在東光之北成平之南又云當在清滄

二州之間明一統志云太史河在南皮縣北曰馬頰爾

雅釋文引李巡孫炎云河勢上高下狹狀如馬頰也通

典云馬頰在平原郡界元和郡縣志云德州安德縣馬

頰河在縣南五十里又云平昌縣馬頰河在縣南十里

安德縣今山東德州也曰覆鬴詩疏引李巡云覆釜者水多清其渚往往而處狀如覆釜釋文引孫炎云水中多渚往往而有可居之地狀如覆釜之形通典云覆釜在平原郡界齊乘云在東光之北明一統志云舊志所載有覆釜枯河自慶雲經海縣南入海曰胡蘇詩疏引李巡云胡蘇者其水下流故曰胡蘇胡下也蘇流也孫炎云胡蘇者水流多散胡蘇然地理志勃海東光有胡蘇亭水經淇水注云清河東至東光縣西南逕胡蘇亭通典滄州東光縣漢舊縣古胡蘇河在此齊乘云滄州之南有大連陂西踰東光東至海是也今在直隸滄州曰簡詩疏引李巡云簡大也河水深而大也書疏引孫炎云簡者水通易也史記正義云簡在貝州歷亭縣界歷亭今山東恩縣屬東昌府也曰潔書疏引李巡云絮言河水多山石治之苦潔潔苦也釋文引孫炎云水多約潔輿地廣地云簡潔在臨津金史地理志滄州南皮有潔河南皮今直隸縣曰鈞盤書疏引李巡云鈞盤言河水曲如鈞屈折如盤也釋文云李本作股云水曲如鈞折如人股故曰鈞股詩疏引孫炎云水曲如鈞盤

桓不前也釋文引郭氏晉義云高般今皆為縣屬平原
郡後漢書袁紹傳云公孫瓚還屯樂河注云故河道在
今德州昌平縣界入滄州樂陵縣今名枯樂河通典云
鈞盤在景城郡水經河水注云大河故瀆東出亦通謂
之篤馬河故渠川派東入般縣為般河亦九河之一道
也元和郡縣志云棣州陽信縣鈞盤河經縣北四十里
太平寰宇記滄州樂陵縣鈞盤河在縣東南五十里案
樂陵今山東縣屬武定府也曰鬲津詩疏引李巡云鬲
津者河水狹小可隔曰津故曰鬲津孫炎云鬲津者水
多院狹可隔以為津而橫渡也地理志平原鬲縣平當
以為鬲津元和郡縣志德州安德縣本漢舊縣鬲津枯
河在縣南七十里案鬲縣故城在今山東德州北詩疏
云徒駭是九河之最北者鬲津是九河之最南者爾雅
之文從北而說也太史馬頰鈞盤文在胡蘇之上則三
者在成平之南東光之北也簡潔覆釜文在胡蘇之下
則三者東光之南鬲縣之北也邵氏晉涵云按九河
次第詩疏以鈞盤列第四覆釜列第八陸氏釋文以覆
釜列第四鈞盤列第八所見本異也漢書溝洫志云許

商以爲古說九河之名有徒駭胡蘇鬲津今見在成平
東光鬲界中自鬲以北至徒駭間相去二百餘里今河
雖數移徙不離此域水經漳水注云九河既播八枝代
絕遺迹故稱往往時有故鬲盤列於東北徒駭瀆聯漳
絳同逆之狀麤分陂障之會猶存是古說九河遺迹也
馬注見史記集解鄭注見詩般疏云周時齊桓公塞之
同爲一河者公羊疏引尙書中候云齊桓之霸遏八流
以自廣書疏引春秋緯寶乾圖云移河爲界在齊呂填
遏八流以自廣是鄭說所本也

雷夏既澤澮沮會同

注

鄭康成曰雍水

沮水相觸而入此澤中地理志曰雷澤在濟陰城陽縣

西北

疏

雷夏既澤謂雷澤五帝本紀云舜耕歷山漁雷澤集解引鄭氏云雷夏兗州澤今屬濟陰水經

禹貢山水澤地所在云雷澤在濟陰成陽縣西北注云
瓠子河故瀆自句陽縣西又東逕雷澤北澤在大成陽
故城西北十餘里其陂東西二十餘里北十五里卽
舜所漁也按句陽故城在今山東荷澤縣北雍沮水名

爾雅釋水云水自河出為澗許氏說文云河澗水在宋
濮州南則宋地也史記正義引括地志云雷澤在濮
州雷澤縣郭外西北澗沮二水在雷澤西北平地也按
其水故道在今山東濮州河漫變為平陸矣鄭注見史
記集解引地理志與漢志同桑土既蠶注鄭康成曰其地尤宜蠶桑

因以名之今濮水之上地有桑間者

疏

蠶者說文云任絲也任同

姪鄭注見詩譜疏云今濮水之上地有桑間者樂記桑
間濮上之音注云桑間在濮陽郡國志東郡濮陽劉昭
注引博物記曰桑中在其中是降丘宅土注史遷作於是民得下丘

居士鄭康成曰此州寡於山而夾川兩大流之間遭洪

水其民尤困水害既除於是下丘居士以其免于厄尤

喜故記之

疏

史公降作下者爾雅釋詁降下同訓落降亦下也宅作居者釋言文也風俗通山澤

篇引宅作度說之云堯遭洪水萬民皆山棲巢居以避其害禹決江疏河民乃下土營度爽塏之場而邑落之故丘之字二人立一上一者地也四方高中央下像形也義與鄭同而云丘从二人與說文从北不合鄭注見書疏云夾川兩大流厥土黑墳厥草惟繇注馬融曰墳之間者謂河濟也

有膏肥也繇抽也草一作少繇一作繇疏馬注見釋文云墳有膏肥

者鄭注周禮草人云墳壤潤解義相近墳肥聲之轉故漢地理志壤墳應邵讀墳為肥太平御覽引倉頡解詁云墳腫多澤也墳音近墳云繇抽也者繇聲近粵說文粵木生條也玉篇作草木生條也蓋後人因說文引商書頭木粵枏之詞刪其草字生條即抽也草漢地理志作少說文云少艸木初生也讀若澈漢書借為艸字也繇一作繇見說文厥木惟條疏條者詩傳云長也漢引此經云草盛貌厥木惟條疏書集注云分也暢也田惟中下厥賦貞作十有三載乃同注史遷載作年馬

融曰禹治水三年八州平故堯以為功而禪舜是十二年而八州平十三年而兗州平兗州平在舜受終之年也鄭康成曰真正也治此州正作不休十三年乃有賦與八州同言功難也其賦中下乃一作廼史公載為本作年後人泥唐虞曰載之文盡改為載也馬注見書疏云十二年而八州平十三年而兗州平者史記河渠書引夏書曰禹抑鴻水十三年過家不入門今云治水三年八州平蓋并鯀九年數之為十二年與鄭異也鄭注見史記集解云真正也者子夏易傳云真正也云治此州正作不休者讀厥賦貞作為句以作為耕作也應邵注漢書云東作耕也蓋兗州被水害最深故成賦最後十三年乃有賦也江氏聲改鄭注中下為下下云九州之賦當有九等參八州八等獨無下下此州當下下也則史記集解所引或誤作中下也乃一作廼見漢書

地理志

厥貢漆絲厥篚織文

注

鄭康成曰貢者百功之府

受而藏之其實于篚者入于女功故以貢篚別之允征

云篚厥元黃昭我周王篚一作棐

疏

漆當爲奈此假漆水字爲之說文奈

木汁可以繫物周禮載師漆林之征注鄭司農云故書漆林爲奈林杜子春云當爲奈林絲者說文云鹽所吐也篚當爲匪漢地理志引此作棐假音字說文匪器似竹篋篚車零也鄭注儀禮云篚竹器如笭者織文者玉藻云士不衣織鄭注云織染絲織之也說文云錦襄邑織文也按襄邑陳留縣水經淮水注引陳留風俗傳曰縣南有渙水故傳曰唯渙之間出文章天子郊廟御服出焉尚書所謂厥篚織文者也詩甫田疏引鄭志云凡所貢篚之物皆以稅物市之隨時物價以當邦賦是夏時以賦爲貢非貢外別有賦也鄭注冀州特言此州入穀不貢明餘州有貢皆無穀稅也鄭注見書疏云貢者百物之府云云者周禮貨賄入于大府王府內府之等

續婦之功入典婦功典絲典泉之等夏官雖少于周當
亦物各有司所入異處故云其實于篚者入于女功也
引允征者史記集解引鄭注云允臣名詩鹿鳴傳引書
曰篚厥元黃郭氏注爾雅引逸書曰釗我周王釗音同
昭卽此文蓋孔壁逸十六篇鄭氏猶見之非今偽傳允
征也云周王者鄭注禮記云忠信爲周猶云平王寧王
非三代也浮于濟潒達于河注史遷達作通鄭康成曰地
之周也
理志云潒水出東郡東武陽濟一作沛潒一作濕疏濟
當爲沛說文沛沔也沔水出河東東垣王屋山東爲沛
潒當爲濕說文水出東郡東武陽入海桑欽云出平原
高唐地理志云平原郡高唐桑欽言潒水所出東郡東
武陽禹治潒水東北至千乘入海過郡三行千二百里
濕作潒者假音字案東武陽今爲山東朝城縣高唐今
爲山東高唐州漢志言禹所治者史記河渠書云禹斯
二渠以引其河孟康云二渠其出貝丘西南南折者卽
河之經流也其一則濕川也河自王莽時空惟用濕耳

拔班氏以爲禹所治也經云達于河者河之通濟在成
皋水經河水東過成皋縣北濟水從北來注之注河水
東經懷縣南濟水故道之所入是也案懷今河南武陟
縣潔水注之高唐故城在今山東禹城縣西潔水通河
故道也今大清河卽故濕小清河卽故沛過郡三當爲
五五者東郡清河平原濟陰千乘也史公達爲通者與
廣雅釋詁同鄭注見史記集解鄭引地理志潔水出東
武陽不引平原高唐桑欽言潔水所出者水經河水注
云按穆天子傳天子自五鹿東征釣於濕水尋其沿歷
逕趣不得近出高唐也桑氏所言蓋津流所出次於是
間也故鄭畧之水經注又引地理風俗記曰濕水東北
至千乘入海河盛則通津委注水耗則微涓絕流書海
浮于濟潔亦是水者也按千乘今山東高苑縣地也海
岱惟青州注鄭康成曰東自海西至岱東嶽曰岱山疏
海者東海春秋左氏傳四年傳云管仲曰召康公賜我
先君履東至于海岱者水經禹貢山水澤地所在云岱

山爲東嶽在泰山博縣東北詩疏引風俗通云泰山尊曰岱宗岱者長也萬物之始陰陽交代青州者呂氏春秋有始覽云東方爲青州齊也釋地云齊曰營州公羊疏引李巡云齊其氣清舒受性平均故曰營營平也今爲青州又引孫氏云自岱東至海詩疏引孫炎云此蓋殷制釋文云爾雅營州爲禹貢之青州矣鄭注見史記集解

嶠夷既畧

注

馬融曰嶠夷地名用功少曰畧嶠一作

禺又作嶠夷

一作鐵

疏

嶠夷史記索隱引今文尙書及

古夷字也說文鐵古文从夷蓋緩讀之卽爲夷聲矣說文又云嶠夷在冀州陽谷立春日日值之而出尙書曰宅嶠夷以嶠爲封嶠山字則古文嶠本从土唐虞青州既兼營州則當越海而至遼東與冀州連界故許氏云在冀州也畧者說文云經畧土地也廣雅釋詁云畧治也經言畧者義當爲治馬注見史記集解以畧爲云用功少者漢書集注畧簡也高誘注淮南子云畧約要也簡約是用功少之義以在海外治之不多用功也

淮

淄其道

注

史遷其作既鄭康成曰濰淄兩水名地理志

云濰水出瑯邪箕屋山淄水出泰山萊蕪縣原山淄一

作

留

淄俗字漢志作留周禮作留說文無淄字俗加

解及

疏

水也史公其作既者經典通字鄭注見史記集

北至

都昌入海過郡三行五百二十里兗州寢也說文

云濰

水出琅邪箕屋山東入海徐州浸夏書曰濰留其

道案

箕縣故城在今山東莒州東屋山在州西北過郡

三者

琅邪高密北海也都昌今山東昌邑縣云淄水出

泰山

萊蕪者地理志泰山萊蕪原山淄水所出東至博

昌入

沛萊蕪今山東縣屬泰安府博昌今山東博興縣

地理

志言入沛鄭不引者漢志言入沛水經云東過利

縣東

又東北入于海按水經注留水經琅槐故城南又

東北

逕馬井城北與時繩之水互受通稱又東北至皮

丘沈

入于海是留水下流異厥土白墳海濱廣斥

名且

非禹貢及漢時故道矣

史

遷斥作渴一作澤下又云厥田斥鹵鄭康成曰斥謂地

鹹鹵濱一作瀕

疏

濱俗字當為瀕漢書地理志作瀕說

作澤又作斥地理志亦作渴渴當為舄史記河渠書云

溉澤鹵之地索隱曰澤一作舄本或作斥文選海賦云

襄陵廣舄注云斥為舄古今字也周禮草人鹹舄用貆

注云渴鹵也是澤斥舄三字通俗加水作渴鄭注見史

記集解云斥謂地鹹鹵者說文云厥田惟上下厥賦中

鹵鹹地東方謂之斥西方謂之鹵

上厥貢鹽絺海物惟錯**注**鄭康成曰海物海魚也魚種

類尤雜

疏

此州貢鹽者爾雅釋地云中有岱岳與其五穀魚鹽生焉春秋左氏昭廿一年傳云海之

鹽蜃祈望守之管子地員篇云齊有渠展之鹽又云貢

濟水為鹽史記貨殖傳云太公望封于齊其地渴鹵通

魚鹽則人物歸之絺者詩葛覃傳云精曰絺麤曰絺說

文云絺細葛也鄭注見史記集解以海物為海魚者爾

雅岱岳生魚鹽周禮職方兗州其山岱狀絲臬鉛松怪

鎮曰岱山其利蒲魚故據以為說也

石注 狀一作訓疏 說文狀作人云水小流也古文作

作訓 訓即谷也蓋徐本作狀釋文引徐本作狀谷言狀

之受雷處曰皦皦 吮也吮得山之肥潤也臬者釋草云

麻也馬氏注喪服傳云麻之有蕢者鉛者說文云青

金也怪石顏師古注漢書云石之次玉美好者也

夷作牧 **注** 史遷云為牧 **疏** 地理志東萊黃縣有萊山春

東萊黃縣是春秋左氏定十年傳齊使萊人以兵劫魯

侯孔丘曰裔夷之俘亂之注云萊人齊所滅萊夷也云

東萊黃縣是者案黃縣今屬山東萊州府作牧者當

鳥獸為貢周禮太宰職以九職任萬民四曰蠶牧養

鳥獸據徐州淮夷玼珠暨魚鄭注云

獻珠與魚訓 亦當貢其所牧也

厥篚壓絲 **注** 史遷

壓作會 **疏** 壓者爾雅釋木云壓桑山桑注云似桑材中

作弓及車轆漢書注師古云食壓之聲

以絃琴瑟史公作禽者與地理志同假音字 浮于汶達于濟 **注**鄭康成曰地

理志汶水出泰山萊蕪原山西南入濟濟一作沛 **疏** **注**鄭

見史記集解引地理志者漢志泰山萊蕪原山禹貢浹水出西南入沛汶水桑欽所言萊蕪今山東縣云西南

入濟者水經汶水出泰山萊蕪縣原山又云汶水出泰山萊蕪縣原山過壽張縣北又西南至安民亭入于濟

案安民亭在今山東東平州 海岱及淮惟徐州 **注**鄭康

安山鎮汶達于濟故道在此 成曰徐州界又南至淮水 **疏** **引**李巡云淮海間其氣寬

舒稟姓安徐故曰徐徐舒也釋名云徐州徐舒也土氣舒緩也釋文引太康地記以為取徐丘為名周合其地

於青州呂氏春秋有始覽云泗上為徐州魯也鄭注見公羊莊十年傳云南至淮水不言海岱者蒙上青州之

注徐州直青州 淮沂其乂 **注**史遷父作治鄭康成曰淮

之南故云又南 **注** 書卷之三

沂二水名地理志沂水出今太山蓋縣疏史公又為治

也又省文鄭注見周禮職方氏疏水經注引鄭注云出

沂山引地理志者漢志泰山蓋沂水南至下邳入泗過

郡五行六百里今沂山及蓋故城俱在山東沂水

縣西北過郡五當為四泰山成陽琅邪東海也

其藝注鄭康成曰蒙羽二山名藝一作藝疏地理志泰

貢蒙山在西南東海祝其禹貢羽山在南縣所殛案蒙

陰今山東縣屬沂州府故城在新泰縣東南祝其今江

南海州藝者廣雅釋詁云治也偽傳云種藝非也大野

漢地理志作藝此加云俗字鄭注見史記集解

既豬注史遷豬作都鄭康成曰大野在山陽鉅野北名

鉅野澤野一作壄疏地理志山陽鉅野大野澤在北水

野作壄見漢地理志史公豬作都者鄭注檀弓云豬都

也南方謂都為豬周禮稻人以豬畜水鄭注見史記集

解鉅野今山東縣屬曹州府東原底平注鄭康成曰東原地名今東

平郡即東原

疏鄭注見史記集解云東平郡即東原者

郡即尚書之東原也釋地云廣平曰原說文云遠廣平之野人所登史記正義云徐州在東故曰東原水已去

致平復言厥土赤埴墳注鄭康成埴作戢曰戢讀曰熾

熾赤也

疏埴者史記集解徐廣云黏土也考工記注同

云熾赤也見李善注蜀都賦廣韻戢作戢云赤土也加土俗字釋言云熾盛也說文熾盛也古文作戢火盛色

赤故戢草木漸包注馬融曰漸包相包裹也漸一作薪

包一作苞

疏漸者釋文云本作薪說文薪草相薪苞也

苞豐也馬注見釋文云相包裹者文選蜀都賦云柯葉漸苞劉淵林注云漸苞相苞裏而同長也玉篇云薪草

相薪包裹也疑用說文今說厥田惟上中厥賦中中厥

文薪包也包下當脫裹字

貢惟土五色注鄭康成曰土五色者所以為大社之封

疏鄭注見史記集解云所以為大社之封者周書作雒

解云諸受命于周乃建大社于國中其墳東青土南

赤土西白土北驪土中央豎以黃土將建諸侯鑿取其

方一面之土以為土封又見韓詩外傳云天子社廣五

丈又云將封諸侯各取方土苴以白茅以為社釋名云

徐州貢土五色青黃赤白黑也史記正義引太康地記

云城陽姑幕有五色土封諸侯錫之茅土用為社此土

即禹貢徐州土也今屬密州莒縣也案姑幕今山東莒

州羽畎夏翟注鄭康成曰羽山之谷貢夏翟之羽畎一

作雝翟一作狄疏夏翟者周禮天官有夏采注云夏采

染人秋染夏注云染夏者染五色謂之夏者其色以夏

狄為飾禹貢曰羽畎夏狄是其總名其類有六曰翟曰

搖曰曷曰留曰希曰蹲其毛羽五色皆備成章染者擬以爲深淺之度是以放而取名焉按其注見爾雅釋鳥文字小異畎翟染人注引作𪔐狄詩衛風右手秉翟韓詩作狄地理志引此亦作狄鄭注見詩節南山疏及周禮天嶧陽孤桐注鄭康成曰地理志嶧山在下邳今下官疏

邳西葛嶧山也

疏鄭注見史記集解及太平御覽引地理志者漢志東海下邳葛嶧山在西

古文以爲嶧陽班氏以嶧陽爲山名與鄭異也說文嶧葛嶧山在東海下邳引此文不以嶧陽爲山名鄭義本此史記正義引括地志云嶧山在兗州鄒縣南二十里引鄒山記今猶多桐樹此是鄒縣嶧山在兗州非邳州之葛嶧山也案下邳今江南邳州地孤桐特生者周禮大司樂云孤竹之管注云孤竹竹特生者是也

泗濱浮磬注鄭康成曰泗水出濟陰乘氏也濱一作瀕

疏鄭注見史記集解云泗水出濟陰乘氏者地理志濟陰乘氏泗水東至睢陵入淮過郡六行一千一百一

十里水經注泗水東南過呂縣南水上有石梁故曰呂
梁晉太康地記曰水出磬石書所謂泗濱浮磬也史記
正義引括地志云泗水至彭城呂梁出石磬按乘氏今
山東鉅野縣地泗水至此分爲二一入菏水一入淮其
源實出泗水縣泉林鄭據分流處言之也過郡六者濟
陰山陽沛楚東海臨淮也呂梁洪今在江南徐州東南
也濱作瀕見地理志
卽說文類字異文

淮夷蠙珠暨魚

注史遷暨作泉馬

融曰淮夷二水出蠙珠與魚鄭康成曰蠙珠珠名淮夷

淮水之上夷民獻此蠙珠與美魚也蠙一作玼

注詩傳

云東國在淮浦而夷行也蠙說文作玼云珠也宋宏云
淮水中出玼珠玼珠之有聲史記索隱云蠙一作玼地
理志顏注同大戴禮保傳篇云玼珠以納其間盧氏注
云玼亦作蠙書釋文玼引韋昭薄迷反蚌也段氏玉裁
云說文玼珠之有聲當作蚌之有聲者脫蚌字引山海
經鰕鮑之魚音如磬石之聲是生珠玉以証之史公暨

作泉者地理志亦作泉說文云泉與也詩泮水疏引此
又作泊皆古文也周禮籩人朝事之籩有鮑魚鱸注云
鮑者於榻室中煨乾之出於江淮也鱸者析乾之出東
海王者備物近者腥之遠者乾之因其宜也馬注見釋
文云二水未詳鄭注見史記集解及書疏云淮水上夷
民者費誓云淮夷徐戎則徐州實有夷民在淮水之上
與詩傳異也云美魚者禮器云厥筐元纖縞注鄭康成
三牲魚腊四海九州之美味也

曰纖細也祭服之材尚細

疏

元者詩傳云黑而有赤也
縞者廣雅釋器云練也說

文云練凍縞也然則縞是凍縞即凍帛也司馬彪注子
虛賦云縞細縞猶鄭氏云纖細也鄭注見史記集解云
纖細者說文訓也云祭服之材者周禮齋服有元端又
有吉端是祭服有元縞也鄭注間傳云黑經白緯曰纖
不注此者禪之變服非祭服之材也浮于淮泗達于河注史遷達作通河
一作荷

疏

說文云荷水在山陽湖陸南禹貢浮于淮泗
達于荷地里志山陽湖陵禹貢浮于淮泗通

于蒦水在南注應邵曰尚書蒦水一名湖水經濟水又
東至乘氏縣西分爲二其一水東南流注云南爲蒦水
北爲濟瀆經又云其一水東南流者過乘氏縣南注云
蒦水分濟于定陶東北東南流右合黃溝枝流又東北
于乘氏縣西而北注蒦水水經又云濟水又東過湖陸
縣南東入於泗水注云澤水所鍾也尚書曰浮于淮泗
達于蒦是也又水經泗水南過方與縣東蒦水從西來
注之又屈東南流過湖陸縣南又云泗水東南過下邳
縣西又東南入淮注云泗水又東逕角城北而東南流
注於淮安乘氏縣今山東蒦澤縣湖陸縣今山東魚臺
縣角城故城在今江南清河縣達于蒦故道在今魚臺縣也蒦
入泗故道在今清河縣達于蒦故道在今魚臺縣也蒦
字今誤作河史記頁本紀亦
誤作河應從說文等書更正

禹貢第三上終

禹貢第三中 虞夏書三

尚書今古文注疏卷三

賜進士及第授通奉大夫山東督糧道加三級孫星衍撰

淮海惟揚州

注

鄭康成曰揚州界自淮而至海以東也

疏

釋地云江南曰揚州公羊疏引李巡云江南其氣慘

動厥性輕揚故曰揚州又引孫氏曰自江南至海也
釋名云揚州州界多水水波揚也釋文引太康地記云
以揚州漸太陽位天氣奮揚履正含文明故取名焉呂
氏春秋有始覽云東南為揚州越也鄭注見公羊莊十
年傳疏云自淮而南至海以東者此經下云東漸于海
則青徐揚之海皆東海也故云至海以東
也僞傳云南距海則遠至閩廣非經義

彭蠡既豬陽

鳥攸居

注

史遷豬作都攸作所鄭康成曰彭蠡澤在豫

章彭澤西南方謂都為豬陽鳥鴻雁之屬隨陽氣南北

攸一作適

疏

史公豬爲都者義見鄭注攸爲所者爾雅釋言文鄭注見史記集解及索隱又見詩

宛有苦葉疏云彭蠡澤在豫章彭澤西者地理志云豫

章彭澤禹貢彭蠡澤在西水經禹貢山水澤地所在云

在西北案彭澤故城在今江西都昌縣北澤卽鄱陽湖

在縣西云陽鳥鴻雁之屬者論衡書虛篇云會稽衆鳥

所居引此文王充言衆鳥故鄭以鴻雁之屬統之云隨

陽氣南北者淮南時則訓仲秋之月候雁來注云時候

雁從北漠中來過周雒南至彭蠡也又季秋之月候雁

來注云是月時候之雁從北漠中來南之彭蠡蓋以爲

八月者其父母也是月來者蓋其子也羽翼稚弱故在

後耳又見高誘注呂氏春秋則漢時有此說鄭用之也

攸作適見

三江旣入

注

鄭康成曰三江左合漢爲北江

地理志

會彭蠡爲南江岷江居其中則爲中江故書稱東爲中

江者明岷江至彭蠡與南北合始得稱中也三江分子

彭蠡爲三孔東入海

疏

鄭注見初學記地部及書疏云左合漢爲北江者水經江水東

北至江夏沙羨縣西北沔水從北來注之注云江水又東逕魯山南古翼際山也地說曰漢與江合於衡北翼際山旁者也地理志曰夏水過郡入江故曰江夏也又水經云沔水又南至江夏沙羨縣北南入於江沔水與江合流又東過彭蠡澤又東北出居巢縣南又東過牛渚縣南又東至石城縣分爲二其一東北流其一又過毗陵縣北爲北江注云丹徒縣北二百步有故城本毗陵郡治也城北有揚州刺史劉繇墓淪於江卽北江也地理志云會稽毗陵江在北東入海案今江南丹徒鎮卽是也云會彭蠡爲南江者地理志會稽吳縣南江在南東入海水經注云江水自石城東出逕吳國南爲南江東逕石城縣北又東與貴長池水合又東逕宣城之臨城縣南又東合涇水南江又東與桐水合又東逕安吳縣江之北卽宛陵縣界也南江又東逕寧國縣南又東北爲長瀆歷湖口南江東注于具區謂之五湖口尙書謂之震澤爾雅謂之具區地理志丹陽石城分江水

首受江東至餘姚入海過郡二行于二百里過郡二者
丹陽會稽也石城今安徽池州府西境餘姚今浙江縣
吳國今江南吳縣此鄭所云南江也云岷江居其中則
為中江者地理志丹陽蕪湖中江出西南東至陽羨入
海揚州川陽羨今江南宜興縣建康志云中江舊逕溧
陽縣今永陽江即其遺跡景福三年作五堰是時中江
置堰江流亦既狹矣其後東壩既成中江遂不復東惟
永陽江水入荆溪此鄭所云中江今不復至陽羨也

震澤底定**注**史遷底作致震一作振**疏**震澤亦名具區
地理志會稽吳

縣具區澤在西古文以為震澤水經禹貢山水澤地所
在云在吳縣南五十里鄭注周禮職方氏云具區在吳
南則此注亦同也震**篠簜既敷****注**史遷篠簜作竹箭敷
史記索隱云一作振

作布鄭康成曰篠箭簞大竹也篠一作筱**疏**史公篠簞
作竹箭今

文異字也說文楷引書曰竹箭如楷言夏書竹箭讀箭
如楷也周禮職方氏揚州其利金錫竹箭注故書箭為

晉杜子春云晉常為箭書亦或為箭是梠與箭聲相近
數為布者經典多通用鄭注見儀禮大射疏及竹譜注

云篠箭者爾雅釋草云篠竹箭說文作筱云箭屬小竹
也引此文云篠大竹者爾雅釋草文書疏引孫炎云竹

闊節者曰篠又引李巡厥草惟夭馬融曰天長也疏

云竹節相去一丈曰篠馬注見釋文云天長者詩桃夭傳云天夭其少壯
也鄭注大學云天夭美盛貌壯盛與長義相近厥木

惟喬疏喬者詩傳云南方厥土惟塗泥馬融曰漸如
之木美喬上疎也

也疏塗當為涂俗加土論語陽貨遇諸塗釋文塗本作
涂考工記引爾雅堂涂謂之陳今爾雅作塗馬注

見史記集解云漸洳者詩汾沮洳傳云其漸洳者說文
澤漸溼也漢書東方朔傳云塗者漸洳徑也馬義所本

厥田惟下下厥賦下上上錯疏江氏聲云上錯謂襍出
上等蓋時或出中下之

賦也九等之賦下上厥貢惟金三品鄭康成曰金三
為第七中下為第六

品者銅三色也

疏鄭注見書疏及詩泮水疏云銅三色者詩疏云梁州貢鏐鐵銀鏤釋器云

黃金之美者謂之鏐白金謂之銀貢金銀者既以鏐銀為名則知金三品者其中不得有金銀也又檢禹貢之文厥貢鏐鐵錫鉛銀獨無銅故知金即銅也春秋左氏僖十八年傳曰鄭伯始朝于楚楚子賜之金既而悔之與之盟曰無以鑄兵故以鑄三鐘考工記云六齊六分其金而錫居一謂之鐘鼎之齊是謂銅為金也三色者蓋青白赤也案楚賜鄭伯金是荊州之銅揚州亦出銅史記貨殖傳吳有章山之銅是也禮器疏云荊揚二州貢金三品者禹貢文鄭注以為金銀銅三品者三色也與書及詩疏所引鄭注不同疑禮器疏誤

篠簜

注

史遷篠簜作竹箭琕一作瓊

疏

琕者詩傳云美玉說文云琕玉

之美者琕琕者釋文云馬本作瓊說文琕石之美者虞書曰揚州貢琕琕或作瓊地理志亦作瓊史公篠簜作竹箭者與上篠簜既齒革羽毛惟木**疏**齒革羽毛四布同非詰字蓋今文也

司徒角人掌以時徵齒角凡骨物於山澤之農以當邦
賦之政令羽人掌以時徵羽翮之政于山澤之農以當
邦賦之政令天官冢宰掌皮掌秋斂皮冬斂革春獻之
是也史記夏本記及漢志全引此經俱無惟木二字江
氏聲曰

島夷卉服

注

鄭康成曰此州下濕故衣草服貢

其服者以給天子之官島一作鳥

疏

島夷漢志作鳥夷顏師古注云東南

之夷善搏鳥者後漢書度尚傳云深林遠藪推髻鳥語
之人置於縣下注云鳥語謂語聲似鳥也書曰鳥夷卉
服則唐時尚作鳥夷鄭注見書疏云下濕衣草服者說
文衰草雨衣秦謂之草越語云譬如衰笠時雨既至必
求之云貢其服給天子之官者郊特牲云黃衣黃冠而
祭息田夫也野夫黃冠黃冠草服也大羅氏天子之掌
鳥獸者也諸侯貢屬焉草笠而至尊野服厥篚織貝
也是卉服其給官用也爾雅釋草云卉草

厥篚織貝

注

鄭康成曰貝錦名也詩云成是貝錦凡織者先染其絲

織之即成矣禮記曰士不衣織

疏

鄭注見史記集解及詩疏以貝為貝錦者

為實篚之物且與織連文知非水貝詩巷伯傳云貝錦

錦文也箋云錦文者文如餘泉餘帑之貝文也云士不

衣織者厥包橘柚必苞苴之引此文橘者說文云果

玉藻文厥包橘柚必苞苴之引此文橘者說文云果

出江南又云柚條也似橙而酢夏書曰厥包橘柚釋木

云柚條列子湯問篇云吳楚之國有大木焉其名為櫟

碧樹而冬生實丹而味酸食其皮汁已憤厥之疾櫟與柚同

錫貢注鄭康成曰此州

有錫則貢之或時乏則不貢錫所以柔金也

疏

鄭注見史記集

解及書疏云有錫則貢之或時乏則不貢者江氏聲云

此既是貢而不于厥篚之上言之退之在下別出貢文

故知非常貢也云錫所以柔金者呂氏春秋物類篇云

金柔錫柔合而柔則為剛考工記云攻金之工掌執金

錫之齊又云金有六齊或

沿于江海達于淮泗

史遷

沿作均馬融作均日均平一作松鄭康成曰松讀曰沿

沿順水行也

疏

沿釋文云鄭本作松蓋古文又云馬本作均與史公同蓋今文也地理志亦作

均經云沿于江海達于淮泗者水經淮水東北至下邳淮陰縣西泗水從西北來注之注云淮泗之會即角城也經又云淮水東至廣陵淮浦縣入于海案角城故城在今江南清河縣西南淮浦縣在今沐陽縣東南蓋其故道由江岸海濱入淮達泗禹時尚未溝通江淮也又地理志丹陽郡陵陽桑欽言淮水出東南入大江此則今五溪河逕安徽青陽縣西北南入江者疑非此淮水史公沿作均者均蓋均字一切經音義三引三倉云循古文作均則謂循于江海也馬注見釋文云均平者未詳顏師古注漢志云均平也通淮泗而入江海故云平鄭注見史記集解字誤為均據釋文當為松云松讀為沿者以松字古文似沿讀其字為沿云順水行者吳語云率師沿海沂淮注云沿順也論語先進篇云浴乎沂唐人讀為沿蓋言傍水陸行不謂順流而下故經文變

言沿不言浮自暴秦元季始有荆及衡陽惟荆州注鄭

海運之事古昔盛時所必無也疏釋地云漢南

康成曰荆州界自荆山南至衡山之南注日荆州書疏

引李巡云荆州其氣燥剛稟性彊梁故曰荆荆疆也釋

名云荆州取名於荆山也必取荆為名者荆警也南蠻

數為寇逆其民有道後服無道先彊常警備之也呂氏

春秋有始覽云南方為荆州楚也荆即荆山地理志南

郡臨沮禹貢南條荆山在東北案臨沮今湖北南漳縣

山在縣西鄭注見公羊莊十年傳疏說文云山南曰陽

經云衡陽故云注江漢朝宗于海注鄭康成曰江水漢水

在衡山之南也注其流遄疾又合為一其赴海也猶諸侯之同心尊天子

而朝事之荆楚之域國有道則後服國無道則先彊故

記其水之義以著人臣之禮疏朝說文作淖云水朝宗

于海御覽引說文淖朝

也疑古文有作淖者說文云深小水入大水也疑宗之本字論衡書虛篇云夫地之有百川也猶人之有血脉也血脉流行汎揚動靜自有節度百川亦然其朝夕往來猶人之呼吸出入也經曰江漢朝宗于海其發海之時漾馳而已入三江之中殆小淺狹水激沸起故騰爲濤虞翻注易習坎有孚曰水行往來朝宗于海不失其時如月行天則是謂朝宗爲潮水此蓋今文家說鄭注見書疏云江水漢水合爲一者謂沔左合漢水分三江俱入海也云猶諸侯之同心尊天子者詩沔水云沔彼流水朝宗于海傳云沔水流滿也水猶有所朝宗箋云水流而入海小就大也喻諸侯朝天子亦猶是也諸侯春見天子曰朝夏見曰宗毛鄭義同也云荆楚之域國有道則後服云云者呂氏春秋召類篇云堯戰於丹水之浦以服南蠻淮南子兵略訓云舜伐有苗修務訓云舜南征三苗道死蒼梧韓詩外傳云當舜之時有苗不服其不服者衡山在南岐山在北左洞庭之陂右彭澤之水由此險也以其不服禹請伐之故鄭以說此經也公羊僖四年傳云楚有王者則後服無王者則先叛與

鄭義同蓋

九江孔殷注

史遷孔殷作甚中鄭康成曰地

理志九江在尋陽南皆東合爲大江殷猶多也九江從

山谿所出其孔衆多言治之難也

疏九江者地理志廬

江在南皆東合爲大江豫章郡鄱陽縣鄱水西入湖漢
餘汗縣餘水在北至鄡陽入湖漢艾縣修水東北至彭
澤入湖漢行六百六十里贛縣豫章水出西南北入大
江南城縣野水西北至南昌入湖漢建成縣蜀水東至
南昌入湖漢宜春縣南水東至新淦入湖漢雲都縣湖
漢水東至彭澤入江行千九百八十里南壁縣彭水東
入湖漢史記河渠書云余南登廬山觀禹疏九江書釋
文引地記云九江劉歆以爲湖漢九水入彭澤也凡此
八水并湖漢水爲九俱入江史公說孔爲甚殷爲中者
俱釋言文言九江甚中者九江之水在豫章郡非荊州
水而水經云沔至江夏沙羨縣北南入于江沔水與江
合流又東過彭蠡澤是九江入此澤而合大江故云甚

中鄭注見書疏引地理志見前文云殷猶多者詩傳云殷衆也衆多同義云九江從山谿所出其孔甚多者卽謂地理志入湖漢諸水史記索隱又引尋陽記烏江等九江非古義也

沱潛既道注史遷

潛作沔旣作已馬融曰沱湖也其中泉出而不流者謂之潛鄭康成曰爾雅釋水云水自江出爲沱漢別爲沔今南郡枝江縣有沱水其尾入江耳首不于江出也華容有夏水首出江尾入沔蓋此所謂沱也潛則未聞象

類潛一作潛**疏**史公潛爲沔者地理志漢中安陽鬻谷水出西南北入漢水經作沔水云出南

鄭縣東南旱山北至安陽縣南入于沔注云卽黃水也案卽今陝西西鄉縣洋河鄭氏以其入漢非出于漢故云未聞象類又見下疏馬注見釋文鄭注見吳志注及書疏云枝江有沱水者地理志南郡枝江江沱出西南

東入江水經禹貢山水澤地所在云荊州沱水在南郡枝江縣今在湖北枝江縣云首不於江出謂與釋水義不合也云華容有夏水首出江尾入沔者地理志南郡華容夏水首受江東入沔行五百里即今湖北沔陽州南長夏水也鄭又云蓋此所謂沱者無實証以其出江入沔疑為沱耳云潛則未聞象類者荊州境內漢水為潛無首出漢之水以應之也

雲土夢作父

注

史遷作雲夢土為治夢

一作曹

疏

雲夢作雲土夢者楚語王孫圉曰有藪曰雲連徒洲注云楚有雲夢徒其名也案徒土音

相近地理志南郡華容雲夢澤在南荊州藪案華容故城在今湖北荊州東澤即洞庭湖在今岳州府西南王逸注楚詞云夢澤中也楚中名澤中謂夢中是雲為澤名夢非二澤也史公雲土夢作雲夢土者亦見地理志作日為父日治者見前疏王氏引之云作者詩傳云始也古字為乍言乍治較舊說為長夢一作曹者史記索文隱厥土惟塗泥厥田惟下中厥賦上下厥貢羽毛齒革

注史遷毛作旄惟金三品**杔**幹枯柏**注**馬融曰枯白枯

也鄭康成曰杔幹枯柏四木名幹柘幹柏葉松身曰枯

疏杔者說文云木也夏書曰杔幹枯柏或作杔鄭注考工記引此亦作杔杔者郭璞注中山經云杔木似樗

樹材中車輶吳人呼杔音輶車或曰輶車郭注爾雅引俗語曰杔杔漆相相似如一圖經本草云杔木樗木形

幹大抵相類但杔木實而葉香可噉杔木疏而氣臭北人呼杔為山樗是本草以杔為杔也幹字當依說文引

經作幹釋文本作幹馬注見釋文鄭注見考工記疏及詩竹竿疏云幹柘幹者詩皇矣云其壓其柘考工記云

荆之幹材之美者弓人云取幹之道七枯為上云柏葉松身曰枯者釋木云檜柏葉松身柏者釋木云掬說文

字作**礪**礪斫丹**注**鄭康成曰礪磨刀石也精者曰砥礪

一作厲**疏**礪俗字地理志作厲說文厲旱石也或作礪旱石當為悍石韋昭注語悍強也史記集解

引應邵注云礪砥石也說文云底柔石也或作砥礪石
可以爲矢鏃丹巴越之赤石也鄭注見書疏云磨刀石
精者曰砥者史記集解引應邵注云厲砥石也郭璞注
西山經云砥礪磨石也精爲砥粗爲礪也與鄭義同厲
有粗義者詩傳云厲惡也言粗惡之石

惟箇箛楷三邦底貢厥名

注史遷

作三國致貢其名馬融曰言箇箛楷三國所致貢其名
善也楷木名可以爲箭鄭康成曰箇箛聆風也楷木類
竹有二名或大小異也箇箛是兩種竹也肅慎氏貢楷
矢卽楷中矢幹三物皆出雲夢之澤當時驗之猶然經
言三邦底貢知近澤之國致此貢也露一作箛楷一作
枯

疏

箇箛者說文云箇箇箛也古文作箛引此文又枯
夏書曰唯箇箛枯木名也箇者呂氏春秋本味篇

云越駱之箭注云箭竹箭也中山經暴山其木多箛箛
注云箛亦篠類中箭箛者廣雅釋草云箭也是與箛三
者皆箭材也史公作三國致貢其名者以厥名上屬爲
句與鄭說異也集解徐廣曰一作箭足杆箭足以訓箛
箛杆當从于杆音近枯也馬注見史記集解及釋文鄭
注見史記集解又見考工記疏及書疏云聆風者史記
集解聆从竹俗字茲依書疏馬融長笛賦有聆風是竹
別名云肅慎氏貢箛矢者考工記疏作周之始肅慎氏
貢枯矢石矝魯語云武王克商通道于九夷八蠻使各
以其方賄來貢使無忘職業于是肅慎氏貢枯矢石矝
其長尺有咫是也

包匭菁茅

注

鄭康成曰厥名包匭匭纏結也

菁茅茅有毛刺者給宗廟縮酒重之故包裹又纏結也

匭

書疏云鄭元以厥名下屬與史公馬氏義異也鄭注

見史記集解云匭纏結者說文籒古文作匭黍稷方
器也江氏聲云鄭讀匭爲糾匭從九得聲與糾音近劉
逵注吳都賦云匭猶結也引此文云生桂陽可以縮酒

給宗廟異物也重之故既包裹而又纏結之一曰匭柙也蓋用鄭義而云一日柙也又泥匭字之註云菁茅茅有毛刺者管子輕重丁篇云江淮之間一茹三脊名曰菁茅云給宗廟縮酒者見春秋左氏僖四年傳周禮甸師祭祀共蕭茅注鄭大夫云蕭字或為菑菑讀為縮束茅立之祭前沃酒其上酒滲下去若神飲之故謂之縮縮浚也杜子春讀為蕭蕭香蒿也元謂茅以其祭之苴亦以縮酒苴以藉祭縮酒泔酒也醴齊縮酌說文禮祭束茅加于裸圭而灌鬯酒是為舊象神歆之也一日舊榼上塞也先鄭與許說宗廟縮酒雖異皆用茅也劉逵注吳都賦云茅生桂陽史記正義引括地志云辰州盧溪縣西南三百五十里有包茅山武陽記云山際出苞茅有刺而三脊因名苞茅山偽傳以包為包橘柚菁為菁菹與管子名菁茅左傳稱包茅之義不合失之矣

厥篚元纁璣組**注**馬融曰組文也**疏**元以為衣纁以為裳組以為佩玉系冠

周禮染人夏纁元注云元纁者天地之色以為祭服詩傳云元黑而有赤色也說文纁淺絳也廣雅釋器云纁

赤也鄭注士冠禮云纁裳淺絳裳此注雖不具鄭義當與注禮同也璣組元纁同為篋實當非珠璣與組二物証以徐州蟻珠雍州琅玕皆不入篋疑組文似璣故曰璣組猶織貝之為錦文也少儀車不雕幾注云幾附纁為沂鄂也璣聲近幾璣或璩字周書王會云王元繚壁綦十二孔晁注云元繚謂以黑組紐之綦玉名有十二也說文組綬屬其小者以為冕纓應邵注漢書本紀云組者今綬綬條是也馬注見釋文云組文者當云璣組文也今本

九江納錫大龜注史遷納錫為入賜馬融曰

脫字耳

納入也

史公納作入者納入經典通字錫者釋詁云賜也大龜者元龜白虎通著龜篇引禮三正

記曰天子龜長一尺二寸諸侯一尺浮于江沱潛漢逾于尺大夫八寸士六寸馬注見釋文

洛至于南河

注

史遷潛漢作涪于漢潛一作潛逾一作

踰

經以浮于江沱潛漢為九江納龜之道則此江沱潛漢當在九江已東故鄭注不取蜀郡江沱及巴

郡潛水之說欲以夏水爲江沱而云未聞潛水也經云
逾于洛者江漢與洛不通流故云逾詩傳云踰越也逾
與踰同史公作潛于漢者讀浮于江沱沔爲句又云于
漢釋文云本或作潛于漢非是唐人不善讀史記文反
非之也段氏玉裁云無逸篇云無淫于觀于逸于游于
田以淫頌四于字此以浮頌二于字句法正同陸氏誤
絕其句故非之南河者顏師古注地理志云在冀州南
潛作潛見地理志

康成曰豫州界自荆山而北至于河

疏 豫州書疏引李

巡云河南其氣著密厥性安舒故曰豫豫舒也公羊疏
引孫氏云自東河至西河之南曰豫州釋文引春秋元
命包云豫之言序也言陽氣分布各得其處故其氣平
靜多序也呂氏春秋有始覽云河漢之間爲豫州周也
注云河在北漢在南故曰之間鄭注見詩王風譜及公
羊莊十年疏云自荆山而北至于河者荆山注在經文
至于荆山下云北至于河

伊洛瀍澗既入于河

疏 洛一

者卽高誘所云河在北也

作雒

疏

地理志云宏農郡盧氏伊水出東北入雒行四

入河過郡三行千七百里豫州川河南郡穀城禹貢瀍

水出晉亭北東入雒宏農郡新安禹貢澗水在東南入

雒案瀍字當作瀍淮南本經訓云導瀍澗不於水水經

河水過鞏縣北洛水從縣西北注之伊水東北至洛陽

縣南北入于洛瀍水東過偃師縣又東入於洛澗水出

新安縣南白石山東南入于洛鞏縣洛陽偃師新安皆

今河南縣蓋伊澗澍會洛入河也伊出盧氏今河南縣

洛出上洛今陝西商州過郡二者宏農河南也瀍出穀

成在今河南洛陽縣西**滎波既豬****注**史遷波作播一作

北洛一作雒見地理志

潘豬一作都馬融曰滎播澤名鄭康成曰沅水溢出河

為澤也今塞為平地滎陽民猶謂其處為滎播在其縣

東春秋魯閔公二年衛侯及狄人戰于滎澤此其地也

疏

史公波作播者書疏云馬鄭皆作榮播史記索隱曰今文是今文與馬鄭書及史記合也說文云潘水名在河南榮陽亦卽此水豬作都者周禮職方氏其浸波差注波讀爲播禹貢曰榮播旣都水經云濟水南當鞏縣北南入於河與河合流又東過成臯縣北又東過榮陽縣北又東至礫谿南東出過榮澤北注引晉地道志曰濟自大伾入河與河水鬪南決出爲榮注又云濟水又東逕榮澤北故榮水所都也京相璠曰榮澤在榮陽縣東南與濟隧合濟隧上承河水于卷縣北南去新鄭百里蓋榮播河濟往復徑通矣榮陽今爲河南榮澤河陰二縣地馬注見釋文云榮播澤名者水經注引闕駟說同又引呂忱曰播水在榮陽則榮播是一澤僞傳以爲榮澤波水已成遏豬似二水名失之鄭注見詩竹竿疏云沅水溢出河爲澤卽下入于河溢爲榮是也云今塞爲平地者水經濟水注云出河之濟卽陰溝之上源也濟隧絕焉故世亦或謂其故道爲十字溝自于岑造八激隄於河陰水脉經斷故瀆難尋又南會于榮澤然水旣斷民謂其處爲榮澤春秋衛侯及翟人戰于榮澤

而屠懿公宏演報命納肝處也與鄭義合春秋左導荷氏宣十二年傳楚潘黨逐晉魏錡及榮澤亦此地

澤被孟豬注史遷導作道孟豬一作明都一作盟豬疏

地理志濟陰郡禹貢荷澤在定陶東梁國睢陽禹貢盟諸澤在東北水經禹貢山水澤地所在俱同水經濟水注云尚書曰導荷澤被孟豬孟豬在睢陽縣之東北關駟十三州記曰不言入而言被者明不常入也水盛方乃覆被矣史記正義引括地志云荷澤在曹州濟陰縣東北九十里定陶城東今名龍池亦名九卿陂案定陶今山東縣屬曹州府睢陽今河南商邱縣自河決徙流孟諸故迹不可考矣史公導作道者周語爲川者決之使導注云導通也法言聞道篇云道也者通也是導與道俱爲通也孟豬作明都者經典豬都通字周禮職方作望諸釋地云宋有孟諸地理志作盟豬孟明盟望豬都諸俱聲相近古假借用之厥土惟壤下

土墳壚注馬融曰豫州地有三等下者墳壚也豫州地

青鄭康成曰壚疏也

疏馬注見史記集解及太平御覽地部云地青者青即黑也鄭注

禮器或素或青云變白黑言素青者秦二世時趙高作亂或以青為黑黑為黃民言從之至今語猶存也則言土青者猶言壚也鄭注見禮書卅四卷云壚疏者說文壚黑剛土也釋名云土黑曰壚壚然解散也鄭注周禮草人云埴壚黏疏者以黏訓埴疏訓壚也疏者溝洫志云地形下而土疏惡詩箋云疏廢也厥田惟

中上厥賦錯上中厥貢漆臬絺紵厥篚織纈

注史遷臬

作絲纈作絮

疏紵者說文云絳屬細者為絰粗者為紵纈者說文云絮也一切經音義一引說

文纈絲也絮之細者曰纈故此云織纈也史公臬作絲者蓋今文異字纈為絮者見說文云絮微絲也似與纈微異史公取以釋錫貢磬錯**疏**磬玉磬錯為厝借字說纈但取義于絲耳錫貢磬錯**疏**文云厝厝石也詩鶴鳴云他山之石可以為錯傳云錯石也可以琢玉顏師古注地理志云亦待錫命而貢案玉磬惟天子得用之郊

特牲云擊玉磬諸侯之僭禮也詩邶箋云玉磬尊故異言之則治磬之石必待錫命而貢示諸侯不敢有治玉器也

浮于洛達于河

疏

唐石經作浮于洛河

華陽黑水惟梁州

注

鄭康成曰梁州界自華山之南至于黑水也

疏

釋地無梁州呂

氏春秋有始覽九州亦無梁蓋殷周雍州兼有梁州之地與夏時異也經云黑水者水經沔水東過南鄭縣南注云漢水又東黑水注之水出北山南流入漢庾仲雍曰黑水去高橋三十里諸葛亮賤云朝發南鄭暮宿黑水西五十里卽是水也史記正義引括地志云黑水出梁州城固縣西北太山以注華陽黑水蓋本古說案城固今陝西縣也鄭注見公羊十年傳疏云至于黑水者地理志益州郡滇池滇池澤在西北有黑水祠或以爲卽鄭氏所云黑水然疑其太遠夏時荒服之地禹迹不至也滇池今雲南晉寧州地

岷嶓旣藝

注史遷岷作汶鄭康成曰地理志岷山在蜀郡湔氐道

嶓冢山在漢陽西藝一作藝

疏

岷史公作汶漢志作嶓史記索隱云汶一作岷

又作岐岐卽汶俗字藝史記漢志皆作藝加云俗字藝者廣雅釋詁云治也或云種藝失之鄭注見史記集解引地理志者漢志蜀郡湔氐道禹貢嶓山在西徼外隴西郡西縣有禹貢嶓冢山水經禹貢山水澤地所在云嶓冢山在隴西氐道縣之南郡國志漢陽西有嶓冢山鄭說嶓冢山在漢陽西者據後漢時天水郡縣名也

沱潛旣道

注

史遷潛作沔一作潛鄭康成曰二水亦謂

自江漢出者地理志在今蜀郡郫縣江沱及漢中安陽皆有沱水潛水其尾入江漢耳首不於此出江原有郪江首出江南至犍爲武陽又入江豈沱之類與潛蓋漢西出嶓冢東南至巴郡江州入江行二千七百六十里

漢別爲潛其穴本小水積成澤流與漢合大禹自導漢

疏通卽爲西漢水也故書曰沱潛旣道

疏潛者說文云一日漢水爲

潛史記作涪漢志作潛水經沔水條言涪水注沔正作涪水地理志安陽縣水又作潛鄭注見書疏及水經潛水注云二水亦自江漢出者因荊州沱潛注引爾雅言之云蜀郡郫縣江沱者地理志蜀郡郫縣禹貢江沱在西東入大江水經禹貢山水澤地所在云益州沱水在蜀郡汶江縣西南其一在郫縣西南皆還入江案郫縣之沱今名郫江自四川灌縣西南分江至瀘州復合者自李冰鑿離碓穿江以後已變禹迹矣地理志蜀郡汶江江沱在西南東入海水經江水注云江水逕汶江道又有湍水入焉江水又東別爲沱開明之所鑿也渡江有竿橋鄭所云江沱疑郫縣汶江二縣之江沱但汶江縣江沱今無水或以爲四川保縣玉輪江也云漢中安陽皆有沱水潛水者地理志漢中郡南鄭旱山地水所出東北入漢安陽霽谷水出西南北入漢案南鄭今陝

西縣屬漢中府後漢書注故城在今縣東北安陽今陝西洋縣東北地太平寰宇記洋州真符縣本安陽地是也云其尾入江漢者水經沔水東過南鄭縣南注云漢水右合池水水出旱山俗謂之獠子水又水經沔水東過魏興安陽縣南沔水出自旱山北注之是沔水沔水尾俱入沔沔即漢也入沔之處當在今陝西洋縣二水皆出旱山首不從江出與爾雅不合故鄭云首不於此出也云江原有鄠江首出江云云者地理志江原鄠水首受江南至武陽入江太平寰宇記云鄠江一名阜里水自青城縣南流逕溫江縣入江原界今日南江也案地理志犍爲郡有武陽縣故城在今四川眉州彭城縣東十里鄭以其首受江疑爲沔也又云潛蓋漢西出嶓冢東南至巴郡江州入江者漢水即漾水見下嶓冢道漾疏地理志巴郡宕渠潛水西南入江水經云潛水出巴郡宕渠縣注云潛水蓋漢水枝分潛出故受其稱今爰有大穴潛水人焉通岡山下西南潛出謂之伏水或以爲古之潛水引鄭氏此注劉逵注蜀都賦云禹貢梁州云沔潛旣道有水從漢中沔陽縣南流至梓潼漢壽

縣入穴中通岡山下西南潛出今名復水舊說云禹貢潛水也書疏引郭氏音義云有水從漢中沔陽縣南流至梓潼漢壽入大穴中通岡山下西南潛出一名沔水舊俗云卽禹貢潛也史記正義引括地志云潛水一名復水源出利州縣谷縣東龍門山大石穴下元和郡縣志云縣谷縣潛水出東北龍門山書曰沱潛旣道是也案宕渠縣故城在今四川渠縣界渠江在縣東卽此水也然則鄭注所云潛卽漢西出嶓冢者是也

旅平

注

鄭康成曰地理志蔡蒙在漢嘉縣

疏

鄭注見史記集解引

地理志者漢志蜀郡青衣有禹貢蒙山鄭云在漢嘉者青衣應邵注漢志云順帝更名漢嘉也案青衣今四川雅州府名山縣地鄭以蔡蒙爲一山僞傳誤云二山疏云蔡山不知所在蓋本無此山也旅當讀如論語旅於泰山之旅漢書班固述贊曰大夫臚岱史記六國和夷表曰位在藩臣而臚于郊祀故釋文引韋音盧也和夷底績

注

馬融曰和夷地名也鄭康成曰和夷和上夷所

居之地也和讀曰桓地志曰桓水出蜀郡蜀山西南行

羌中者也

疏馬注見史記集解鄭注見水經桓水注云

和讀爲桓者如淳注漢書云陳留之俗言桓聲如和是也引地志者漢地理志蜀郡禹貢桓水出

蜀山西南行

羌中入南海或云桓水卽大金河江入蕃

地南

厥土青黎

注史遷黎爲驪馬曰黎小疏也

疏史公

驪者詩傳云純黑曰驪馬注見釋文云小疏者蓋前釋豫州墟爲疏故此云小疏卽小巖也釋名云土青曰黎

似黎草色也

厥田惟下上厥賦下中三錯

注鄭康成曰三錯

者此州之地有當出下下之賦者少耳又有當出上下

中下者差復益少

疏鄭注見書疏江氏聲云經言三錯

是正賦之外襍出三等而正賦下中之下止有下下一等故知并其上二等爲三錯僞傳

乃謂賦第八等襍出第七第九則是襍出二等并正賦

為三等鄭以他州言錯者皆是正賦之外別出一等此
言三錯明是正賦之外別為三等矣若并正賦為三等
則當言再錯不言三錯傳說非也云差復益少者正賦
下中間有出下下者但少耳又或有出下上者亦少差
而上之又有出中下者復益少也書
疏作益小當為益少古小少通字
厥貢璆鐵銀鏤罍

磬馬融璆作鏐鄭康成曰黃金之美者謂之鏐鏐剛

鐵可以刻鏐也**疏**釋文璆一作鏐馬同釋器云黃金謂
之鏐其美者謂之鏐注云鏐即紫磨

金鐵者說文云黑金也銀者釋器云白金謂之銀鏐者
說文云剛鐵可以刻鏐夏書曰梁州貢鏐罍者說文云

石可以為矢鏐夏書曰梁州貢罍丹丹當為罍也華陽
國志云臺登縣山有罍石火燒成鐵剛利禹貢厥賦罍

是熊羆狐狸**疏**熊者釋獸云虎醜說文云獸似豕山居
也熊羆狐狸冬蟄羆者釋獸云如熊黃白文說文同

古文作羆狐狸者釋獸云狸狐貉獬醜其足蹠其跡公
說文云狐妖獸也鬼所乘之狸伏獸似羆周禮同裘云

王大射則其熊侯詩云熊羆是裘又云取彼狐狸為公子裘織皮西傾因桓是來

馬融曰治西傾山因桓水是來言無他道也鄭康成曰

織皮謂西戎之國也西傾雍州之山也雍戎二野之間

人有事於京師者道常由此州而來桓是隴阪名其道

盤桓旋曲而上故名曰桓是今其下民謂是阪曲為盤

也地理志西傾山在隴西臨洮來一作倭織皮者縹

云釐屬也釋文引李巡本釐作義周書正西昆侖狗國

等請令以丹青白旄紕屬龍角神龜為獻說文縹西胡

毳布也紕氏人縹也鄭注周禮巾車云樊與纓皆以五

色屬飾之漢書高帝紀八年令賈人毋得衣錦繡綺縠

絺紵屬禁賈人衣又飾樊纓是以貢之或以為賤者

之服非也經文是為氏之假音字見下疏馬注見史記

集解云因桓水是來者地理志蜀郡桓水出蜀山西南
行羌中入南海水經同注引經文及馬注云余按據書
岷山西傾俱有桓水桓水出西傾山更無別流所導者
惟斯水爾浮於潛漢而達江河故晉書地道記曰梁州
南至桓水西抵黑水東限扞關今漢中巴郡汶山蜀郡
漢嘉江陽朱提涪陵陰平廣漢新都梓潼犍爲武都上
庸魏興新城皆古梁州之地自桓水與江耳桓水蓋二水
扣夷底績也然所可當者惟斯水與江耳桓水蓋二水
之別名爲兩川之通稱矣則酈道元與班氏馬氏以因
桓爲桓水來無他道之說同也鄭注見水經桓水注及
史記集解酈氏旣引其說又駁之云斯乃元之別致恐
乖尙書因桓之義非浮潛入渭之文案鄭不從班氏說
因桓爲桓水者以桓水入南海道不通漢也云桓是隴
阪名者讀是爲氏說文云氏巴蜀名山岸脅之旁箸欲
落嶠者曰氏楊雄賦響若氏隤段氏王裁讀鄭注是阪
以爲今其下民謂坂爲是曲爲桓也鄭引地理志者漢
志隴西郡臨洮禹貢西傾山在縣西臨洮浮于潛逾于
今甘肅洮州衛山在北來作倅見地理志

沔

注

史遷逾作踰鄭康成曰或謂漢為沔

疏

經云浮于潛此潛水

卽郭氏音義所云一名沔水者水經漾水注引劉澄之說同又引庾仲邕言漢水自武遂川南入蔓葛谷越野牛逕至關城合西漢水故諸言漢者多言西漢水至葭萌入漢注又云漢水有二源始源曰沔又云東西兩川俱受沔漢之名沔水注云沔水一名沮水庾仲雍云是水南至關城合西漢水又東北合沮口同為漢水之源也故如淳曰此方人謂漢水為沔水案地理志武都郡武都東漢水受氏道水一名沔志所云氏道水卽漾水也志于沮水云至河南入江不云沔然江卽沔也故說文以沮水為沔水葭萌今四川昭化縣郭氏庾氏所云潛水通西漢者在是卽經所謂浮潛入沔之水也或以水經云漾水至葭萌縣東北與羌水合謂羌水出臨洮一名白水卽指為恒水水道則通但與班氏所說恒水鄭氏所說恒氏之義俱不合鄭注見史記集解水經恒水注云自西傾至葭萌入于西漢卽鄭元之所謂潛水者也自西漢遡流而屈於晉壽界阻漾枝津南歷岡穴

逶迤而接漢書所謂浮入于渭亂于河疏經文言逾水

潛而逾河矣說見前疏經桓水注云河歷漢川至南鄭縣屬於褒水邇褒暨於

高嶺之南谿水枝灌於斜川屈於武功而北達於渭水

此乃水陸之相關川流之所經復不乖禹貢入渭之字

實符尚書亂河之義也是酈氏以斜水入渭褒水入河

謂河渭相通恐未必是禹迹也亂者釋水云正絕流也

水經渭水又東過華陰縣北東入於河注云春秋之渭

內也案華陰今陝西縣黑水西河惟雍州注鄭康成曰雍州界自

黑水而東至于西河疏釋地云河西曰雍州書疏引李

故云雍雍壑也釋名云雍州在四山之內雍翳也釋文

引太康地記云雍州兼得梁州之地西北之位陽所不

及陰氣雍闕故取名焉呂氏春秋有始覽云西方為雍

州秦也黑水或以為瀘江或以為滇池皆失之書疏引

水經云黑水出張掖雞山至敦煌過三危山南流入於

南海今水經缺此文此云南海及海皆即居延海之屬

在張掖之南者案張掖郡治樂得縣今甘肅甘州府城是也鄭注見公羊莊十年疏及史記索隱引地說云三危山黑水出其南者弱水既西注鄭元曰衆水皆東此似非張掖之黑水

獨西流故記其西下也弱一作溺疏地理志張掖郡刪丹桑欽以爲弱水

自此西至酒泉合黎說文作溺水云溺水自張掖刪丹西至酒泉合黎餘波入于流沙桑欽所說又云岷山溺

水所出此岷山即雞山涇屬渭注馬融曰屬入也鄭刪丹今甘肅山丹縣

康成曰涇水渭水發源皆幾二千里然而涇小渭大屬

于渭而入于河地理志云涇水出今安定涇陽西并頭

山東南至京兆陽陵行千六百里入渭疏渭水者說文云渭水相入

也鄭注召誥云汭隈曲中也此渭汭即今陝西高陵縣地馬注見釋文云屬入者鄭注士冠禮云屬注也注即

入也鄭注見詩谷風疏及史記集解云涇水渭水發源
皆幾二千里者地理志隴西郡首陽渭水所出東至船
司空入河過郡四行千八百七十里雍州寢過郡四者
隴西天水右扶風左馮翊也地理志安定郡涇陽并頭
山在西禹貢涇水所出東南至陽陵入渭過郡三行千
六百里雍州川過郡三者安定右扶風左馮翊也案涇
陽縣在今甘肅平涼府城西陽陵故城在今陝西高陵
縣西南涇水在縣東入渭鄭云屬于渭而入于河者渭
水至船司空入河在漆沮既從疏漆沮即澶水也說文
今陝西華陰縣東北漆沮既從疏漆沮出北地直路西
東入洛水經地理志俱作沮水經云東過馮翊祿祿縣
北東入洛地理志北地郡直路沮水出西東入洛左馮
翊懷德洛水東南入渭案漢直路縣在今陝西中部縣
西北二百里懷德縣在今陝西富平縣西水經云渭水
又東過華陰縣北注云洛水入焉闕駟以爲漆沮之水
也水經沮水注云沮水東注鄭渠濁水與沮水合俗謂
之漆水又謂之爲漆沮水絕白渠逕萬年縣故城北其
水又南屈更名石川水又西南與白渠枝渠合又南入

於渭水也案今石川河至富平縣南入渭卽此水是漆沮澮水洛水一也說文又有漆水出右扶風杜陵岐山東入渭一曰入洛卽地理志在漆縣西之漆水詩縣所云自土沮漆者但經文于涇屬渭汭下云漆沮旣從似以澮水從洛入渭爲是若此漆入渭又在上流水經云漆水出杜陽縣俞山東北入于渭渭水注云渭水又東逕雍縣南雍水注之雍水東南流與橫水合水出杜陽山其水南流謂之杜陽川東南流左會漆水水出杜陽縣之漆谿謂之漆渠徐廣曰漆水出杜陽之岐山者也詩潛云倚與漆沮傳云漆沮岐周之二水也案此漆水在今陝西**澧水攸同****注**澧一作鄠攸一作道**疏**右扶風岐山縣鄠水出東南北過上林苑入渭作鄠水經渭水東過槐里縣東豐水從南來注之注云豐水山豐谿西北流分爲二水一水東北流爲枝津一水北逕靈臺西又北至石墩注於渭地說云渭水又東與豐水會於短陰山內水會無他高山異巒惟有原阜石激而已案今豐水在陝西咸陽縣東南入渭同者說文云合會也攸作道

見地志荆岐既旅疏地理志左馮翊襄德禹貢北條荆山

岐山在西北案襄德縣今陝終南惇物至于鳥鼠注鄭

西富平縣美陽今扶風縣也

康成曰地理志終南惇物皆在右扶風武功也疏地理志石

扶風武功太壹山古文以爲終南岳山古文以爲敦物

案武功今陝西郿縣太壹山今名太白山在縣東南岳

山今名武功山在縣東南俗呼放山敖岳聲之轉今本

地理志岳或誤作垂鳥鼠見後疏鄭注見史記集解

原隰底績至于豬野注鄭康成曰詩云度其隰原卽此

原隰是也原隰幽地從此致功西至豬野之澤也地理

志都野在武威名曰休屠澤野一作埜疏釋地云下涇

原又曰可食者曰原下者曰涇鄭注見書疏及史記集

解云詩云度其隰原卽此原隰者見詩公劉篇當是幽

地今陝西邠州及三水縣是其處也鄭又引地理志者
漢志武威縣休屠澤在東北古文以爲豬埜澤野作埜
卽埜省文武威縣三危旣宅注史遷宅作度鄭康成曰
今甘肅鎮番縣地

河圖及地說云三危山在鳥鼠西南與岐山相連當岷

山則在積石之東南

疏

三危者禹貢山水澤地所在云
在燉煌縣南史記正義引括地

志云在沙州燉煌縣西南四十里春秋左氏昭九年傳
云允姓之姦居于瓜州注云允姓之祖與三苗俱放于
三危地理志燉煌郡引桂林以爲古瓜州地則是燉煌
有三危山據古說也燉煌今甘肅燉煌縣鄭注見史記
集解及書疏引地說者書疏作地記書三危旣不見于
地理志故鄭別引地說也太平御覽地部引河圖括地
象曰三危山在鳥鼠之西南與汶山相接卽鄭所據也
郡國志隴西郡首陽縣注地道記曰有三危三苗所處
案首陽爲今甘肅渭源縣則此三危與燉煌之三危非
一山也鄭又云當岷山則在積石之東南蓋班氏不記

後世失其名也水經江水又東過江陽縣南雒水從三危山東道廣魏雒縣南東南注之注云山海經不言雒水所導經曰三危山所未詳案此卽地說所云與岷山相連者雒縣今四川漢州也三危山疑在此近地

三苗不敘注史遷丕作大厥土惟黃壤厥田惟上上厥賦

中下厥貢惟球琳琅玕注史遷球作璆琳一作玲鄭康

成曰球美玉也琳美石也琅玕珠也疏史遷球作璆者

或作璆琳釋文云字亦作玲說文云玲璆石之次玉者故鄭以爲美石也琅玕釋文云似珠者禹貢雒州球琳

琅玕古文作瑯鄭浮于積石至于龍門西河會于渭汭

注見詩韓奕疏

疏地理志金城郡河關積石山在西南羌中水經禹貢山水澤地所在同史記正義引括地志云積石山今名小積石山在河州枹罕縣西北七十里案河關及枹罕皆在今甘肅河州山在河州西北七十里也地理志馮翊

夏陽龍門山在北史記正義引括地志云龍門山在同州韓城縣北五十里李奇云禹鑿河水處廣八十步案夏陽今陝西韓城縣山在縣東北八十里西河者史記正義案河在冀州西故云西河

織皮昆侖

析支渠搜西戎卽敘

注

馬融曰崑侖在臨羌西析支在

河關西鄭康成曰衣皮之民居此崑崙析支渠搜三山

之野者皆西戎也別有崑侖之山非河所出者也搜一

作叟

疏

崑崙俗字當爲昆侖析支史記索隱引大戴禮

五帝本紀云西戎析支渠搜氏羌搜作廋俗字地理志作叟是也西戎卽序漢書西域傳贊引此云禹就而序之非上威服致其貢物就者詩箋云卽也馬注見釋文云崑崙在臨羌西者戰國趙策蘇秦上書云此代馬胡駒不東而崑崙之玉不出也注後志金城臨羌有崑崙地理志金城郡臨羌西北至塞外有西王母石室石金

有弱水昆侖山祠案臨羌在今甘肅西寧府西云析支在河關西者應邵注漢武紀云禹貢析支渠搜屬雍州在金城河關之西西戎也馬義同此鄭注見書疏云衣皮之民以其織皮爲衣以崑崙析支渠搜爲三山者太平御覽地部引崔鴻十六國春秋云酒泉太守馬岌上言酒泉南山卽昆侖之體也周穆王見西王母樂而忘歸卽在此山也山有石室王母堂珠璣鏤飾煥若神宮是鄭意與馬說同析支亦爲山者後漢書西羌傳云西羌之本出自三苗羌姓之別也其國近南岳及舜流四凶徙之三危河關之西南羌地是也濱於賜支至乎河首縣地千里賜支者禹貢所謂析支者也水經河水又東入塞過敦煌酒泉張掖郡南注引司馬彪曰西羌者自析支以西濱於河首左右居也河水屈而東北流逕析支之地是爲河曲矣是言析支爲河曲之地其地多山亦爲山名也渠搜爲山者水經河水屈南過五原西安縣南注云河水自朔方東轉逕渠搜縣故城北地理志朔方有渠搜縣禮三朝記曰北發渠搜南撫交趾此舉北對南禹貢之所云析支渠搜矣案渠搜縣在今陝

西懷遠縣北番界中或因山名縣也云別有昆侖之山
非河所出者爾雅釋水云河出崑崙墟西山經云東望
勃澤河水之所潛也其源泡泡渾渾又云敦薨之水注
于勃澤出于崑崙之西北隅實惟河源水經云崑崙墟
在西北河水出其東北陬說文上从北从一也人
居在上南故从北中邦之居在昆侖東南虛大上也昆
侖上謂之昆侖虛是則崑崙山河所出者在中國之西
北而此昆侖在正西卽周書王會解云正西昆侖等九
國孔氏晁注云九者西戎之別名故鄭不以爲河出之
山高誘注淮南云鍾山崑崙也是鍾山亦有崑崙之名
今陝西塞外陰山也後人于河源所出卽名曰崑
崙又不與河潛行南出之說合故不引爲經証

禹貢第三中終

禹貢第三下

虞夏書三

尚書今古文注疏卷三

賜進士及第授通奉大夫山東督糧道加三級孫星衍撰

導岍及岐

注

史遷作道九山岍及岐鄭康成曰地理志

岍在右扶風也

疏

史公導作道者楊子法言道治也字與導通岍及岐上有九山二字蓋孔

安國古文也今文亦有之故漢人有三條之說馬鄭本或無岍俗字當從史公為岍釋水云岍出不流又云水

決之澤為岍蓋山以水得名後人譌作岍也鄭注見史記集解引地理志者漢志右扶風岍縣吳山古文以為

岍山雍州山案岍縣今陝西隴州山在州南七十里

至于荆山

注

馬融曰三條導

岍北條西傾中條嶓冢南條鄭康成曰四列導岍為陰

列西傾為次陰列嶓冢為次陽列岍山為正陽列

疏

荆山

即前云荆岐既旅之山在漢懷德縣故城在今陝西富平馬鄭注見書疏地理志云懷德禹貢北條荆山馬義所本也
逾于河**注**史遷逾作踰壺口雷首**疏**地理志河東郡蒲反雷首

山在南案蒲反即今山西
至于太岳**注**史遷岳作嶽**疏**

河東縣霍太山稱太岳者因帝都冀州于此確功德也白虎通云嶽之言猶也猶功德也詩疏引鄭志集問云周都豐鎬故以吳岳為西岳據此知西周以華岳為中岳不數嵩高也左氏昭四年傳司馬侯云四岳三塗陽城太室名嵩高為太室別於四岳之外是周時不以嵩高為中岳知虞夏時亦然故當以霍太山為太岳也
砥柱析城至于王屋太行恒山至于碣石入于海**疏**砥柱

山名水經禹貢山水澤地所在云砥柱山在河東太陽縣東河中地理志云河東郡濩澤禹貢析城山在西南垣縣禹貢王屋山在東北案濩澤縣在今山西陽城山在縣西南垣縣今山西垣曲山在今河南濟源縣西連

麓至山西垣曲也太行山名地理志河內郡山陽東太行山在西北水經禹貢山水澤地所在云在野王縣西北案山陽今河南修武縣山在縣西北野王今河南懷慶府志云東太行山者錢氏玷云山陽縣在野王之東也恒山地理志常山郡上曲陽恒山北谷在西北有祠并州山禹貢恒水所出東人浚水經禹貢山水澤地所在云恒山爲北岳在常山上曲陽縣西北案上曲陽今直隸曲陽縣山在縣西北祠內多有漢碑也古恒岳在此碣石在今奉天臨渝衆縣故城疑在今昌黎縣界見前冀州疏

西傾朱圉鳥鼠至于

太華注

鄭康成曰地理志云朱圉在漢陽南太華山在

宏農華陰南疏

地理志天水郡冀縣禹貢朱圉山在縣南梧中聚隴西郡首陽禹貢鳥鼠同穴

山在西南京兆郡華陰太華山在南有祠豫州山案冀縣今甘肅伏羌縣朱圉山在縣西南首陽今甘肅渭源縣鳥鼠山在縣西華陰縣今屬陝西西安府華山在縣南鄭注見史記集解云朱圉在漢陽者天水郡明帝改

山在東北案臨沮今湖北遠安縣荆
山在今南漳縣西鄭注見史記集解
內方至于大別

注

鄭康成曰地理志內方在竟陵名立章山大別在廬江

安豐縣

疏

地理志江夏郡竟陵章山在東古文以為內
方山六安國安豐禹貢大別山在西南案竟

陵故城在今湖北鍾祥縣南章山在今湖北荆門州南

安豐故城在今安徽霍山縣大別山在今湖北霍邱縣西南

元和郡縣志云魯山一名大別山在漢陽縣東北一百

步此蓋水經注所云古翼際山也唐人謂之大別誤矣

鄭注見史記集解以章山為立章山者續志江夏郡竟

陵有立章山本內方鄭據當時山名也又以大別在廬

江安豐者續漢志安豐改屬廬江書

疏云地理志無大別檢之不密也
岷山之陽至于衡

山注

史遷岷作汶

疏

地理志長沙國湘南禹貢衡山在
東南荊州山案湘南今湖南湘鄉

縣衡山在今湖南衡山縣西北通典引三禮義宗云唐
虞以衡山為南岳周氏以霍山為南嶽案崔靈恩說未

是也蓋古文尚書以衡山爲南岳今文以霍山爲南岳耳唐虞周氏恐互誤見堯典疏過九江至

于敷淺原注敷一作傳淺一作滅疏地理志豫章郡歷

在南古文以爲傳淺原案歷陵今江西德安縣傳易山

在今縣南敷一作傳見史記及漢志史記集解引徐廣

曰淺一作滅疑傳易當爲傳易與滅聲相近

導弱水注鄭康成曰弱水出張

掖弱一作溺至于合黎注馬融曰合黎地名鄭康成曰

山名地說云合黎山在酒泉會水縣東北說文岷山也或曰溺水之

所出案卽張掖雞山地理志張掖郡刪丹桑欽以爲道

弱水自此西至酒泉合黎水經禹貢山水澤地所在云

合離山在酒泉會水縣西北案刪丹今甘肅山丹縣弱

水今名山丹河西北流與張掖河合亦曰羌谷水也會

水縣在今甘肅高臺縣西北鄭注弱水云云見史記集

解說本地志及說文也馬注合黎地名見史記集解

鄭注山名見書疏引地說見史記索隱地理志酒泉會水不載合黎山故馬以爲地名鄭別引地說也地說者卽下地記桑氏欽餘波入于流沙注馬融曰流沙地名許氏慎之說所本

鄭康成曰地理志流沙居延縣西北名居延澤地記曰

弱水西流入合黎山餘波入于流沙通于南海

疏馬注見史

記集解王逸注楚詞云流沙沙流如水也故馬以爲地名鄭注見史記集解引地理志者漢志張掖郡居延縣居延澤在東北古文以爲流沙案居延縣在今甘肅甘州府治東北一千五百里史記正義引括地志云龍門山一名合黎一名窮石山在甘州刪丹縣西南七里淮南子云弱水源出窮石山又云合黎一名羌谷水一名鮮水一名覆表水今名副投河亦名張掖河南自吐谷渾界流入甘州張掖縣今案合黎水出臨路松山東而北流歷張掖故城下又北流經張掖縣三十三里又北流逕合黎山折而北流逕流砂磧之西入居延海行千

五百里合黎山在張掖縣西北二百里也云通于南海者淮南地形訓云弱水出自窮石至于合黎餘波入于流沙南至南海謂流沙迤南導黑水至于三危入于南之澤卽括地志之居延海也

海注

鄭康成曰地理志益州滇池有黑水祠而不記此

山水所在地記曰三危山在鳥鼠之西南而南當岷山又在積石之西南當黑水祠黑水出其南脇今中國無

也疏

黑水書疏引酈道元水經黑水出張掖雞山南流至敦煌過三危山南流入于南海太平御覽地部

引張掖記曰黑水出縣界雞山亦名元圃有娥氏女簡狄浴于元丘之水卽黑水也史記正義引括地志云黑水源出伊吳縣北百二十里又南流二十里而絕三危山在河州燉煌縣東南四十里案地理志有張掖郡又有張掖縣屬武威水經所云張掖及張掖記皆指郡境也卽今甘州府治說文岷山溺水所出卽雞山黑水亦

出于此山丹縣西南窮石山卽岷山也三危山在燉煌
卽今甘肅敦煌縣黑水經此入南海經云南海者卽居
延海之屬史記大宛傳索隱引太康地記云河北得水
爲河塞外得水爲海也故地理志羌谷水亦云北至武
威入海不謂大海也孔氏書疏以爲越河入海張守節
以南海爲揚州東大海謂黑水合從黃河而行河得入
于南海俱失之矣鄭氏亦謂中國無此河泥地說三危
在鳥鼠西南不用燉煌有三危之說也考地理志張掖
郡臚得羌谷水出羌中東北至居延入海其水逕甘州
府城東北與山丹河合又西北逕高臺縣東北又東北
流一千五百餘里入流沙匯爲二澤東北爲居延澤疑
羌谷水卽水經注張掖記之所稱黑水也括地志所云
伊吾縣今爲哈密出美瓜左傳所謂瓜州允姓之戎所
居正三苗所竄之三危故楚詞天問云黑水元趾三危
安在設詞以問天非竟不知其處也鄭注見史記集解
又見通典州郡篇及書疏云益州滇池有黑水祠者地
理志益州滇池有黑水祠鄭求黑水之入南海故及之
又以三危在鳥鼠之西南者漢書司馬相如傳注引張

揖曰三危山在鳥鼠山之西與岷山相近黑水出其南
陂引此經是與鄭說同也云疑中國無此水者甘肅之
黑水亦在塞外此黑水鄭亦導河積石注馬融曰北條
知絕遠不足當雍梁黑水矣

行河中條行渭洛濟淮南條行江漢

疏釋水云河出崑崙崑崙虛經言積石

者據禹所導言之且河自蒲昌海潛行地下至是始出
不溯其源聖人闕所不見也漢書西域傳云蒲昌海一
名鹽澤去玉門陽關三百餘里廣袤三百里其水停居
冬夏不增減皆以爲潛行地下南出於積石爲中國河
云案鹽澤在今鎮西府闕展巡檢司西南地理志云金
城郡河關積石山在西南羌中河水行塞外東北入塞
內至章武入海過郡十六行九千四百里案河關在今
甘肅河州西北山在州西北七十里河水過郡十六者
金城天水武威安定北地朔方五原雲中定襄雁門西
河上郡河東焉耆河南河內東郡平原千乘共十九郡
也後漢書段熲傳云羌寇隴西金城塞熲追之遂至河
首積石山出塞二千餘里此積石之見于史者水經禹

貢山水澤地所在云積石山在隴西河關縣南亦同史說惟水經河水條云河水南至積石山下有石門又南入蔥嶺山酈氏道元注云河自蒲昌海潛行地下南出積石而經文在此似如不比積石宜在蒲昌海下矣唐人疑積石有二以大積石在吐谷渾界小積石在河州謂卽禹貢浮于積石至于龍門者見史記正義引括地志恐誤認段頗傳至河首積石山出塞二千餘里之言指一山以當積石猶後人尋得河源卽指一山以當昆侖非古說也段頗傳云出塞二千餘里蓋言追羌至積石又出塞二千餘里非積石在塞外二千餘里也馬氏注見黃庶書說二卷道木亦如道山分三條也至于龍門南至于華陰東至于

砥柱

注

鄭康成曰地說河水東流貫砥柱觸闕流今世

所謂砥柱者蓋乃闕流也砥柱當在西河未詳也

疏

水經

山水澤地所在云砥柱在河東太陽縣東河中薛綜注東京賦云砥柱山名也在河東縣東南向居河中猶柱

然也案太陽縣在今山西平陸縣東北砥柱一名三門在河南陝縣東北五十里鄭注見水經河水注以地說實砥柱當在西河者地理志河東郡大陽縣南又東過砥柱故疑其也在西河也水經河水東過大陽縣南又東過砥柱間注引鄭氏說而云非是酈氏以三門爲砥柱五戶灘爲闕流恐非西漢已前之說也又東至于

孟津

注

史遷孟作盟

疏

孟津亦作盟津者孟盟聲相近水經云河水東過平縣北注云

河南有鈎陳壘河水至斯有盟津之目又曰富平津又謂之爲陶河薛綜注東都賦云孟津四瀆之長引尚書作盟津云地名在洛北都道所湊古今東過洛汭至于以爲津案平縣在今河南孟津縣西北

大伾

注

史遷伾作陴一作坏鄭康成曰山一成曰伾地

喉也沈出伾際矣然則大伾在河南修武武德之界濟

沈之水與滎播水出入自此

疏

洛汭在今河南鞏縣水經云河水又東過鞏縣

北洛水從縣西北流注之注云洛水於鞏縣東逕洛汭
北對琅邪渚入于河謂之洛口矣案鞏故城在今河南
鞏縣西南三十里伍史公作邳書釋文云一作岷或作
岷者岷俗字岷卽邳之譌字也說文作坏云丘再成再
當作一水經河水又東過成臯縣北注云河水又東逕
成臯大伾山下爾雅曰山一成謂之伾許慎呂忱等並
以爲丘一成也孔安國以爲再成曰伾亦或以爲地名
非也又云成臯縣之故城在伾上案成臯故城今在河
南汜水縣西一里大伾山上則虎牢連麓大伾也漢書
集注臣瓚云今修武武德無此山也成臯縣山又不一
成也今黎陽縣山臨河豈是與案大伾在河南薛瓚求
之河北修武武德之界故無此山一成之山最卑瓚又
疑爲高山故以成臯山不一成指黎陽大山當之云豈
是尚是疑詞隋地理志黎陽有大伾山遂承薛氏之誤
案卽今河南濬縣東南二里黎陽山甚高不止一成
唐洪經綸刻石名爲大伾俱不足據鄭注見溝洫志注
及水經河水注云山一成曰伾者見前疏云地喉者後
文引地說大陸爲地腹此爲地喉知亦本地說也云沈

出伾際者水經云濟水當鞏縣北南入於河與河合流又東過成臯縣北又東過滎陽縣北又東至礪谿南東出過滎澤北注云晉地道志曰濟自大伾入河與河水關南決爲滎澤故鄭云沘出伾際下又云濟沘之水與滎播澤出入自此也云大伾在河內修武武德之界者謂在修武之西武德之東以北岸山言之云在成臯南岸也修武河南縣今屬懷慶府武德縣故城在今河南武陟縣東

北過降水至于大陸

注史遷說爲北載之高地過降水至于大陸鄭康成曰

地說云大河東北流過降水千里至大陸爲地腹地理志曰大陸在鉅鹿絳水在安平信都南如志之言鉅鹿與信都相去不容此數也水土之名變易世失其處見降水則以爲絳水故依而廢讀或作絳字非也今河內

其北山淇水其水出焉東至魏郡黎陽入河近所謂降
水也降讀當如廊降於齊師之降聲轉爲其蓋周時國
有地者惡言降故改云其耳今河所從去大陸遠矣館

陶北屯氏河其故道與

疏

降水鄭以爲其水大陸班氏固以爲鉅鹿疑俱非也呂氏

春秋有始覽云晉之大陸注云魏獻子所居又云趙之
鉅鹿注云廣阿澤也則周秦已前人皆不以大陸爲鉅
鹿左氏定元年傳魏獻子田于大陸焚焉還卒於甯注
云禹貢大陸在鉅鹿北嫌絕遠疑此田在汲郡吳澤荒
蕪之地水經淇水注引晉書地道記曰朝歌城本沫邑
也殷王武丁始遷居之爲殷都也紂都在冀州大陸之
野卽此矣則此大陸卽魏獻子所田之處案修武今河
南縣與成臯接界是大陸在河南懷慶府境內去直隸
之鉅鹿絕遠水經濁漳水注爲調停其說云自甯迄於
鉅鹿出於東北皆爲大陸案釋地云高平日陸大陸曰

阜尋大陸當是高平之土不合以鉅鹿澤當之河渠志云禹以爲河所從來者高水湍悍難以行平地數爲敗乃廝二渠以引其河北載之高地過降水至于大陸是史公以高地釋大陸亦不得以爲鉅鹿澤也且據鄭氏以屯氏河爲大河故道屯氏河不經鉅鹿澤也自大河屢徙故道不可復考姑存古說之在班氏前者以爲經証史公說見上疏鄭注見水經濁漳水注鄭注云云者據地說駁班氏以絳水爲禹貢降水之失也云如志之言大陸在鉅鹿者地理志鉅鹿郡鉅鹿禹貢大鹿澤在北信都國信都縣故章河故庫池皆在東北入海禹貢絳水亦入海案鉅鹿縣在今直隸平鄉境信都縣在今直隸冀州東北相去四百餘里不得如地說之言有千里故云不容此數也云河內北共山淇水出者地理志河內郡共縣北山淇水所出東至黎陽入河說文淇水出河南其北山東入河或曰出隆慮西案黎陽今滎縣淇水故道在此入河漢志無共水疑卽淇水以出共山亦名共水也云館陶北屯氏河其故道者地理志魏郡鄴縣故大河在東北入海館陶縣河水別出爲屯氏河

東北至章武入海過郡四行千五百里水經河水注云
河之故瀆白沙丘堰南分屯氏河逕館陶縣東東北出案館陶今
河故瀆北出爲屯氏河逕館陶縣東東北出案館陶今
山東縣屬東昌府衛河所經卽隋之永濟渠漢之屯氏
河也溝洫志云道河北行二渠復禹舊迹又云自塞宣
房後河復北決於館陶分爲屯氏河東北逕魏郡清河
信都勃海入海是班氏以河故道在鄴東謂屯氏以爲
塞宣房後別出之河鄭則以屯氏爲禹河故迹與班說
亦異也河至天津入海卽漢章武地今濬縣滑縣開州
內黃清豐南樂大名元城冠縣館陶堂邑清平清河博
平高唐平原德州青縣靜海天津皆大河故瀆所經蓋
自周時河徙至漢王莽時絕則今山東海豐入海之河
俗稱老黃河衛河在其東北
入海故鄭氏以爲禹河故瀆

又北播爲九河

注

鄭康成

曰播散也同爲逆河入于海

注

鄭康成曰下尾合名曰

逆河言相逆受也

疏

又北者水經河水又東北過黎陽
縣南注云河水舊於白馬縣南決

通濮濟黃溝又云故瀆東逕白馬縣之涼城北又東南逕濮陽縣散入濮水又云河水又東北爲長壽津河之故瀆出焉漢書溝洫志曰河之爲中國害尤甚故導河自積石歷龍門醴二渠以引一則濕川卽今所流一則北瀆王莽時空故世俗名是瀆爲王莽河也故瀆東北逕戚城西又逕繁陽縣故城東北逕陰安縣故城西又東北逕昌樂縣故城東又東北逕平邑郭西又東北逕元城縣故城西北而至沙丘堰堰者障水也尙書禹貢曰北過降水不遵其道曰降亦曰潰至於大陸北播爲九河風俗通曰河播也昔禹治洪水播爲九河自此始也案禹河最不可考在沙丘堰已南之地故備載水經注以諗後人涼城今河南滑縣戚城今直隸開州繁陽今河南內黃陰安今直隸清豐昌樂平邑皆今直隸南樂縣元城今直隸大名府沙丘在府治北舊說河自此分爲九河也水經注引經北過絳水云不遵其道曰降亦曰潰則是古文書說亦有不以降水爲水名者與班鄭俱異也逆一作迎者河渠書溝洫志皆作同爲迎河入于勃海地理志勃海郡莽曰迎河南皮縣莽曰迎河

亭初學記云逆迎也言海口有朝夕潮以迎河徐堅初
唐人疑亦引鄭說也以不明言鄭注故不附于經入海
者地理志金城郡言河至章武入海魏郡屯氏河亦言
章武入海章武屬勃海郡今直隸滄州薛瓚則云禹貢
決右碣石入于河則河入海乃在碣石元光三年河從
從東郡更注勃海禹時不注勃海也水經注云河之入
海舊在碣石今川流所導非禹瀆也鄭注見詩般正義
及史記集解云播散者淮南要畧篇云禹別河以道九
岐注云九岐河水播岐爲九以入海也說文云播布也
案播聲相近布猶布散也云下尾合名曰逆河者勃海
郡及南皮王莽皆有迎河之名是本古說則鄭以禹河
入海在勃海勃海距碣石五百餘里鄭不以迎河在碣
石也

嶓冢導漾東流爲漢

注

史遷漾作漾鄭康成曰地理

志漾水出隴西氐道至武都爲漢至江夏謂之夏水漾

一作養

疏

史公漾作漾者地理志作養說文漾古文作
漾養蓋省文鄭注見史記集解引地理志者

書疏第三下

漢志隴西氏道禹貢養水所出東至武都爲漢西縣禹貢嶓冢山在西漢水所出南入廣漢白水南郡華容夏水首受江東入沔行五百里常璩漢中志云漢源有二東源出武都氏道漾山因名漾西源出隴西嶓冢山會白水經葭萌入漢始源曰沔故曰漢沔案氏道在今甘肅上邽下辨北西縣在今甘肅秦州西華容在今湖北荊州府治東南云至武都爲漢過江夏謂之夏水者地理志武都郡武都縣東漢水受氏道水一名沔過江夏謂之夏水水經沔水出武都沮縣東狼谷中注云沔水一名沮水又云沔水又東南逕沮水戍而東南流注漢曰沮口所謂沔漢者也引此文又云庾仲雍云是水南至關城合西漢水又東北合沮口同爲漢水之源也又云漾水至漢中爲漢水案沮縣在今陝西畧陽縣東南又水經夏水云夏水出江津於江陵縣東南東過華容縣南又東至江夏雲杜縣入于沔注云應劭十三州記曰江別入沔爲夏水源夫夏之爲名始於分江東竭夏流故納厥稱今按夏水是江流沔非沔入夏自堵口下沔水通兼夏目而合于江謂之夏沔也案雲杜縣

今在湖北天門縣西北水經注云漾水至漢中為漢水則漾水至陝西畧陽為漢至湖北天門縣為夏水也

又東為滄浪之水注鄭康成曰滄浪之水言今謂夏水

來同故世變名焉即漢河之別流也漁父謠曰滄浪之

水清兮可以濯吾纓是此水也疏鄭注見水經夏水注

同以滄浪為夏水者水經夏水注引劉澄之采初山川

記云夏水古文以為滄浪水漁父所歌也史記正義引

括地志云均州武當縣有滄浪水庾仲雍漢水記云武

當縣西四十里漢水中有洲名滄浪洲也地記云水出

荆山東南流為滄浪過三澨至于大別注馬融曰三澨

水名也鄭康成同曰三澨在江夏竟陵之界疏水經禹

澤地所在云三澨地在南郡即縣之北沱說文澨埤增水

邊土人所止者夏書曰過三澨水經注云服虔或謂之

邑或又謂之地京相璠杜預亦云水際及邊地名也惟
鄭元及劉澄之言在竟陵縣界經云卽縣北沱然沱流
多矣論者疑焉而不能辨其所在卽縣故城在今湖北
宜城縣東北竟陵今天門縣據說文爲水邊土人所止
也非地名不必求其所在也馬注見水經山水澤地所
在注鄭注見史記集解史記索隱云今竟陵有三參水
俗云是三潞水參音去聲大別鄭于導山以爲在安豐
此不注者亦必以在安豐漢志續漢志同京相璠亦曰
大別漢東名山在安豐縣南杜預酈道元皆不信其說
又不能言其所在然酈氏于水經決水出廬江雩婁縣
南大別山注云俗名爲檀山峴蓋大別之異名也案雩
婁在安豐縣南不信漢所至之大別在安豐何也自元
和郡縣志始以漢陽江側之魯山當之唐已前無是說
也酈氏沔水注按地說言漢水東行觸大別之阪南與
江合則與尙書杜預相符但今不知所在矣据此知酈
氏亦不以魯山爲大別或言漢水觸大別之阪阪者山
脉之靡迤不盡者
耳非直至山下也

南入于江

疏

水經沔水南至江夏沙羨縣北南入于江沙羨

縣在今湖北嘉魚縣東北東匯澤為彭蠡東為北江入于海鄭康

成曰匯回也漢與江關轉東成其澤矣疏鄭注見水經

回者一切經音義三引蒼頡云匯水回也廣雅釋詁云匯大也足以增足鄭義成澤之說彭蠡見前經云東為

北江者水經沔水與江合流又東過彭蠡澤又東北出居巢縣南又東過牛渚縣南又東至石城縣分為二其

一東北流其一又過毗陵縣北為北江注云經所謂石城縣者即宣城郡之石城縣也牛渚在姑孰烏江兩縣

界中於石城東北減五百許里安得逕牛渚而方岷山屈石城也蓋經之謬誤也北江入海見前三江疏

導江東別為沱注史遷岷作汶一作嵒一作嶧地理志成

都郡蒯氏道禹貢嶧山在西徼外江水所出東南至江都入海過郡七行二千六百六十里說文云嵒山在蜀

蒯氏西徼外江水出蜀蒯氏徼外嶧山入海則嶧岷即

蒲氏道今四川茂州東北地山在今龍安府松潘同知
城北邊外江水出山之羊膊嶺有二原過郡七者蜀郡
犍爲巴郡長沙江夏廣陵也東別爲沱者地理志成都
郡郫縣禹貢江沱在西東入大江汶江縣江沱在西東
入海水經禹貢山水澤地所在云益州沱水在蜀郡汶
江縣西南其一在郫縣西南皆還入江案郫今四川縣
屬成都府沱卽郫江自四川灌縣西南分江至瀘州復
合者汶江縣今爲茂州驗無此水保縣東南有玉輪江
疑是沱故瀆水經江水注云江水歷氏道縣北又逕汶
江道又東別爲沱開明之所鑿也開明七國時人當因
禹迹鑿深之酈氏以此爲江忙然不自又東至于澧
江出故鄭欲以酈水當之也詳見前疏

又東至于澧



史遷澧作醴馬融曰澧水名鄭康成曰醴陵名也大阜

曰陵長沙有醴陵縣其以陵爲名乎此經自導弱水已

下其過言會者皆是水名言至于者或山或澤皆非水

名

疏

馬注見史記集解云水名者水經澧水東至長沙

又水經云江水又東至長沙下雋縣北澧水沅水資水

合東流注之案澧水注湘由湘達江在今洞庭湖北故

馬氏以為水名也鄭注見史記集解及書疏云大阜曰

陵者爾雅釋地文云長沙有醴陵縣者郡國志長沙郡

有醴陵蓋後漢分地理志臨湘縣之南境所置臨 **過九**

湘今湖南長沙府治下雋今在湖北通城縣西

江至于東陵 **疏**地理志廬江金蘭西北有東陵鄉水經

蘭縣西北水經注江水又西北逕下雋縣江水又東右

得蘭溪水口又東左得青林口江水左傍青林湖水出

廬江郡之東陵鄉江夏有西陵縣故是言東矣尚書云

江水過九江至於東陵者也西南流水積為湖湖上有

青杜山案下雋在今湖北興國州東南南水經決水注云

灌水導源廬江金蘭縣西北東陵鄉大蘇山錢氏站曰

大蘇山即東陵在 **東迤北會于匯** **注**馬融曰迤靡也鄭

今河南固始縣南 **書疏第三下** **三**

康成曰東迤者為南江迤一作迤

疏說文云迤衺行也引此文馬注見釋

文云迤靡者鄭司農注考工記迤讀為倚移從風之移

文選甘泉賦注云迤靡相連貌也鄭注見史記集解云

東迤者為南江者地理志丹陽郡石城分江水東至餘

姚入海會稽郡吳縣南江在南東入海水經沔水注沔

水東至石城縣分為二其一東北流注云地理志曰江

水自石城東出逕吳國南為南江江水自石城東入為

貴口東逕石城縣北又東逕宣城之臨城縣南又東逕

安吳縣又東逕寧國縣南又東逕故鄣縣南安吉縣北

又東北為長瀆歷湖口南江東注於具區謂之五湖口

據此則鄭以會于匯為入于具區也迤一作迤見地理

志及說文**東為中江入于海****疏**中江水今絕流**導沅水東流**

為濟入于河溢為滎**疏**史遷溢為泆鄭康成曰地理志

沅水出河東東垣王屋山東至河內武德入河泆為滎

濟一作沛溢一作軼

疏

史公溢為洸者鄭注周禮引經

滿也廣雅釋詁云出也義相同洸者說文云水所蕩洸

也莊子釋文洸本或作溢是溢洸亦滿出之義鄭注見

西都賦注引三蒼云從後出前也亦滿出之義鄭注見

史記集解引地理志者漢志河東垣縣王屋山在東

北洸水所出東南至武德入河軼出滎陽北地中又東

至琅槐入海過郡九行千八百四十里水經云濟水出

河東垣縣東王屋山為洸水又東至溫縣西北為濟水

又云又南當鞏縣北入於河與河合流又東過成臯縣

北又東過滎陽縣北又東至礫谿南東出過滎澤北注

云釋名曰濟濟也源出河北濟河而南也晉地道志曰

濟自大伾入河與河水東出于陶丘北注鄭康成曰地

理志陶丘在濟陰定陶西北出一作至

疏

說文云陶丘再成也在濟

陰夏書曰東至于陶丘引出字作至鄭注見史記集解

引地理志者漢志濟陰郡定陶禹貢陶丘在西南水經

云濟水過定陶縣南又屈從縣北流注云南濟也又東北合荷水水上承濟水於濟陽縣東世謂之五丈溝又東逕陶丘北墨子以爲釜丘也尚書所謂道荷水自陶丘北謂此也案陶丘在今山東定陶縣又東至于荷疏水經濟水東至乘氏縣西分爲二其一水東南南流者過乘氏縣南又東過方與縣北爲荷水案乘氏縣今山東曹州府治方與縣今山東魚臺縣又東北會于汶疏水經濟水至乘氏縣西分爲二其一水從界安民亭南汶水從東來注之注云戴延之所謂清口也郭緣生述征記曰清河首受洪水北注濟或謂清卽濟也禹貢濟東北會於汶今枯渠注鉅澤北則清口清水與汶會也桑欽曰汶水出泰山萊蕪縣西南入濟是也案壽張故城在今山東東平州西又北東入于海疏南去縣五十里有安山鎮卽安民亭史遷北東作東北疏合汶之濟入河一水東南流合荷之濟入淮此云入海謂入汶之濟

也水經云濟水又東過甲下邑入於河注云濟水東北至甲下邑南東歷琅槐縣故城北山海經曰濟水絕鉅野注勃海入齊琅槐東北者也又東北河水枝津注之水經以爲入河非也斯乃河水注濟非濟入河又東北入海郭景純曰濟自滎陽至樂安博昌入海今河竭濟水仍流不絕經言入河二說並失然河水於濟濕之北別流注海今所輟流者惟濕木耳郭或以爲濟注之卽實非也尋經脈水不如山經之爲密矣案濟水卽今小清河也北逕山東利津縣城東又東北入于海地理志過郡九者濟水從武德已下過河內河南陳留濟陰山陽太山濟南齊千乘也其入淮之導淮自桐柏注鄭康流或在溝通江淮之後非禹迹與

成曰凡言導者發源于上未成流凡言自者亦發源于

上未成流

疏

地理志南陽郡平氏禹貢桐柏大復山在東南淮水所出東南至淮浦入海過郡四

行三千二百四十里水經云淮水出南陽平氏縣胎簪山東北過桐柏山注云淮水與醴水同源俱導西流爲

醴東流為淮潛流地下許里東出桐柏大復山南

謂之陽口水南即復陽縣也元帝元延二年置在桐柏

大復山之陽故曰復陽也案平氏故城在今河南桐柏

縣西北鄭注見書疏云言自者發源於上未成流蓋以

淮伏流地下東會于泗沂疏水經淮水又東至下邳淮

道而通之也陰縣西泗水從西北來流

注之注云淮泗之會即角城也左右兩川翼夾二水決

入之所所謂泗口也案角城故城在今江南清河縣西

南水經沂水又南過下邳縣西南入於泗案下邳東入

今江南邳州沂水入泗而達河在今清河縣也

于海疏水經淮水又東至廣陵淮浦縣入於海地理志

於縣分北為游水游水東北逕紀鄆故城南杜預曰紀

鄆二地名東海續榆縣東北有故紀城即此城也游水

東北入海案續榆今江南縣屬導渭自鳥鼠同穴疏鄭

海州淮浦故城在安東縣西也

康成曰鳥鼠之山有鳥焉與鼠飛行而處之又有止而

同穴之山焉是二山也鳥名爲餘似鵝而黃黑色鼠如

家鼠而短尾穿地而其處鼠內而鳥外

疏

地理志隴西郡首陽禹貢

鳥鼠同穴山在西南渭水所出東至船司空入河過郡
四行千八百七十里雍州浸水經云渭水出隴西首陽
縣渭谷亭南鳥鼠山注云渭水出首陽縣首陽山渭首
亭南谷山在鳥鼠山西北縣北有高城嶺嶺上有城號
渭源城渭水出焉三源合注東北流逕首陽縣西與別
源合水南出鳥鼠山渭水谷尚書所謂渭出鳥鼠者也
地說曰鳥鼠山同穴之枝幹也渭水出其中東北過同
穴枝間旣育其過明非一山也案首陽今甘肅渭源縣
山在縣西二十里鄭注見水經禹貢山水澤地所在注
鄭亦以鳥鼠之山與同穴之山爲二者鄭信地說見上
疏說文云渭水出隴西首陽渭谷亭南谷東入河杜林
說夏書以爲出鳥鼠山鄭氏尚書本于杜林杜氏單名
鳥鼠是析同穴而別言之云鳥名爲餘者釋鳥云鳥鼠
同穴其鳥爲餘其鼠爲鼯書疏引李巡云餘鼯鳥鼠之

名其處一穴天性也郭氏璞注與鄭畧同云穴入地三四尺宋書云沙州甘谷嶺有雀鼠同穴或在山巔或在平地雀色白鼠色黃地生黃紫花草便有雀鼠穴皆足增足鄭義鄭云似鷓鴣者釋鳥云鷓鴣寇雉一切經音義引爾雅注云今鷓鴣大如鴿亦言如鷓鴣似鷓鴣雉鼠脚無後指岐尾為烏愁急羣飛出北方沙漠地肉美俗名突厥雀生蒿萊之間較郭注文多疑孫李舊注也

漆沮 **疏**經云東會于澧云云見前雍州涇屬渭入于河

疏渭水在今陝西華陰縣北入河地理志言過郡四者隴西天水右扶風左馮翊也船司空在今陝西華陰

縣東 **導洛自熊耳** **注**洛一作雒 **疏**地理志宏農郡上雒禹貢維水出冢領山

東北至鞏入河過郡二行千七百里豫州川熊耳獲輿山在東北水經云洛水出京兆上洛縣謹舉山注引山海經曰出上洛西山又曰謹舉之山洛水出焉案上雒縣今陝西商州水出商州洛南縣西冢領山東南流逕

盧氏縣南謹舉即獲輿之異名也
聲相近上洛熊耳即盧氏山也
東北會于澗瀍又東

會于伊疏

水經云澗水出新安縣南白石山東南入於洛瀍水東過偃師縣又東入于洛案水經洛

水不言合于澗瀍惟云東過洛陽縣南伊又東北入于水從西來注之者周時開渠失禹故迹也

河疏

水經云洛水過鞏縣東又北入于河案鞏縣故城在今河南鞏縣西南二十里地理志云過郡二者

宏農河九州攸同注攸一作適疏禮運云是謂大同注南也

作適見四隩既宅注史遷隩作奧一作壘疏說文云壘地理志

居也文選西都賦注引說文居作定居宅者釋言云居也周語云宅居九隩注云隩內也九州之內皆可宅居

也九山刊旅

注刊一作棐

疏

周語云封崇九山注云言九者皆謂九州之中山川

數澤刊作棐九川滌源疏河渠書云九川既疏滌滌同見地理志

條當為滌漢書集注云條達也滌源者謂疏達其水原也史公云疏者說文云滌洒也洒與灑聲相近河渠書云乃廝二渠以引其河索隱曰廝漢書作灑史記舊本亦作灑韋昭云疏決為灑是灑與洒皆疏決也川者鄭注周禮川衡云流水也引此文源俗字說九澤既陂疏文作羴經典或作原周語云汨越九原九澤謂九州之澤周語陂障九澤注云障防也河渠書云九澤既灑灑義見上疏澤者鄭注周禮澤虞云水所鍾也引此文陂者說文四海會同疏注周語云合通四海云陂也陂一曰澤障

六府孔修注史遷孔作甚疏春秋左氏文七年傳云水

者高誘注淮南子云治也史公孔作甚者爾雅釋言文庶土交正底慎財賦史

遷庶作衆底作致鄭康成曰衆土美惡及高下得其正矣亦致其貢篚慎奉其財物之稅皆法定制而入之也

疏

鄭注見史記集解

咸則三壤成賦

注

鄭康成曰三壤上中下

各三等也

疏

則者釋詁云法也鄭注見史記集解

中邦錫土姓祗台德先

不距朕行

注

史遷邦作國鄭康成曰中即九州也天子

建其國諸侯祚之土賜之姓命之氏其敬悅天子之德

既先又不距違我天子政教所行

疏

史遷邦作國者非避諱字後人遇國

字率改爲邦誤矣鄭注見史記集解云中即九州者周

禮大行人職云九州之外謂之蕃服是中邦在九州之

內也云天子建其國諸侯祚之土云云者春秋左氏隱

八年傳衆仲曰天子建國因生以賜姓祚之土而命之

氏是也白虎通姓名篇引刑德放曰堯知命表稷契賜

姓子姬皐陶典刑不表姓言天任德遠刑禹姓似氏祖

昌意以蕙苒生殷姓子氏祖以元鳥子生周姓姬氏祖

以履大人迹生也以祗台爲敬悅者釋詁云祗敬也怡

樂也台與怡聲相近悅即樂也云距違者廣雅釋言云距函也周語注云距去也故鄭以距為距違也 五

百里甸服注史遷說為今天子之國以外五百里甸服

疏里者穀梁宣十五年傳云古者三百步為里韓詩外傳云廣三步長三百步為一里王制云天子之甸方

千里注云象日月之大亦取暑同也又云千里之內曰甸服注云服治田出穀稅也周語云夫先王

里甸服注云甸王田也服服其職業也白虎通師篇云法日月之徑千里然則云五百里者去王城外各

五百里也故史公說為令天子之百里賦納總二百里國以外國者鄭注曲禮云城中也

納銓三百里納秸服注馬融曰秸去其穎疏馬注見釋文詳後疏

四百里粟五百里米注鄭康成曰甸服者堯制賦其田

使入穀禹粥其外百里者賦入總謂入刈禾也二百里

銍銍斷去藁也三百里秸秸又去穎也四百里入粟五
百里入米者遠彌輕也甸服之制本是納總禹爲之差
使百里從之耳疏史公云令天子之國五百里甸服百
里下二百里至五百里皆爲去王城之數也僞傳以百
里賦納總爲甸服內之百里近王城者書疏云司馬遷
與孔意同是也王制疏引五經異義云今尙書歐陽夏
侯說中國方五千里古尙書說五服有五千里相距萬
里太平御覽六百廿六引孫武曰夫帝王處四海之內
居五千里之中焉能盡專其利是以分建諸侯以其利
而利之使食其土之毛實役其人民之力故賦稅無轉
徙之勞徭役無怨曠之歎矣歐陽及孫子說皆同史公
是用秦已前書古文說也鄭注見詩甫田疏云禹弼
其外者鄭以禹廣輔堯之五服百里是甸服之外百里
去王城六百里下二百里至五百里皆去五百里甸服
之數與史公及古說異也云賦入總謂入刈禾者禮器

疏引作謂所刈禾說文總聚東也史記索隱引說文作聚東草誤多一字總是聚禾東則并稾秸納之云銍斷去稾者禮器疏引作謂刈穗也說文銍獲禾短鎌也稾稈也故知經言銍是斷稾之名去稈留穗故云刈穗也云秸又去穎者禮器疏引作禾去其實惟稾秸也說文云稽禾稾去其皮玉篇作𥽿云秸同上則結是稽俗字云去穎者說文云穎禾末也案禾去其穎所輕無幾鄭說蓋用詩傳云穎垂穎也言斷去其稾惟留穎于穗納之許君以銍為穫禾連稾者稽為禾稾去皮者鄭氏以禾連稾則為穗與納穗無差以銍為去稾惟留其莖又以結為去莖惟留其穗也入粟入米遠彌輕者論衡量知篇云穀米春烝曰粟說文云粟嘉穀實也米粟實也米質比粟更輕也云甸服之制本是納總者鄭以甸服之彌在五百里外猶使百里納總則甸服之內自皆納矣

總五百里侯服注史遷說為甸服外五百里侯服百里

采注馬融曰采事也各受王事者二百里男邦注史遷

男邦作任國三百里諸侯疏馬注見史記集解云采事

大戴禮本命篇云男者任也男子者任者釋詁文史公男作任者

天地之道案男任聲相近經典多通五百里綏服注

史遷說為侯服外五百里綏服三百里揆文教二百里

奮武衛疏綏者釋詁云安也揆者釋言云度也衛者周

之衛服義取藩衛鄭云綏服于周為采服其

弼當衛五百里要服注史遷說為綏服外五百里要服

服是也疏周書王會云方千里之外為比服方二千里之內為

要服方三千里之內為荒服注云此服名因於殷非

周制也史公說要服去甸服一千五百里荒服去甸服

五百里要服在方三千里之內荒服在方五千里之內

也三百里夷注馬融曰夷易也二百里蔡注馬融曰蔡

法也受王者刑法而已鄭康成曰蔡之言殺滅殺其賦

疏馬注夷易也見釋文史記五帝本紀以堯典厥民夷作其民夷易是夷即易也馬注蔡法也云云見史記

集解云蔡法者漢書宣帝紀云骨肉之親祭而不殊北

堂書抄親戚封部引作祭然不殊如淳曰祭或作散殊

或作誅也祭即蔡左傳所云蔡蔡叔也言置之于法不

令殊死顏氏師古以祭為明非也馬義同此謂在中國

之外但奉王法不共賦役也鄭注見書疏以蔡為殺者

周禮廩人詔土殺邦用注云殺猶滅也廣雅釋詁云殺

滅也蔡聲近殺春秋左氏昭十年傳蔡蔡叔釋文引說

文作蔡故為滅殺也周禮大行人職侯服以玉要服各

有朝貢之歲是夷服之貢滅殺于中

國貢所以當賦故云滅殺其賦也

五百里荒服注史

遷說為要服外五百里荒服馬融曰政教荒忽因其故

俗而治之

疏馬注見史記集解韋昭注周語戎狄荒服

云與戎狄同俗故謂之荒荒忽無常之

言也義

與馬同

三百里蠻二百里流注

今尚書歐陽夏侯說中

國方五千里古尙書說五服有五千里相距萬里馬融
曰蠻慢也禮簡怠慢來不距去不禁流行無城郭常居
甸服之外每百里爲差所納總銓秭粟米者是甸服之
外特爲此數其侯服之外每言三百二百里者還就其
服之內別爲名耳非是服外更有其地也甸服之外五
百里至城千里其侯綏要荒服各五百里是面三千里
相距爲方六千里鄭康成曰蠻者聽從其俗羈縻其人
耳故云蠻蠻之言緡也每言五百里一服是堯舊服每
服之外更言三百里二百里者是禹所弼之殘數也堯

之五服服五百里耳禹平水土之後每服更以五百里
輔之是五服服別千里故一面而爲差至於五千也堯
之時土廣五千里禹弼成五服土廣萬里甸服比周爲
王畿其弼當侯服在千里之內侯服爲甸服其弼當男
服在二千里之內綏服於周爲采服其弼當衛服在三
千里之內要服於周爲蠻服其弼當夷服在四千里之
內荒服於周爲鎮服其弼當蕃服在五千里之內疏今
書歐陽夏侯說及古尚書說見王制疏引五經異義御覽六百廿六引孫武曰夫帝王處四海之內居五千里之中焉能盡專其利是以分建諸侯以其利而利之使食其土之毛實役其人民之賦故稅無轉徙之勞徭役

無怨曠之歎矣此與今文書說同也漢書王莽傳注服
虔曰唐虞及周要服之內方七千里夏殷方三千里漢
地南北萬三千里也馬注見史記集解又見詩殷武疏
及書疏云蠻慢者王制疏引風俗通云君臣同川而浴
極爲簡慢蠻者慢也義與馬同云流行無城郭常居者
王制云千里之外曰采曰流鄭注云流謂夷狄流移或
貢或不引此經爲証云甸服之外每百里爲差者馬氏
以百里納總至二百里三百里俱在甸服之外與史公
說又異史公則以爲在王城之外甸服之內餘服又與
史公說同故馬以爲面三千里相距爲方六千里也云
其侯服之外每言三百二百里者還就其服之內別爲
名耳非是服外更有其地者馬義皆同史公書疏云賈
逵馬融以爲甸服之外百里至五百里米特有此數是
也賈馬鄭說以甸服之內自皆納總不當有納經納結
之差故不從史公之說亦或本之歐陽夏侯也鄭注見
書疏又見詩殷武及天作疏齊譜疏云蠻之言縉者鄭
注周禮大司馬職云蠻者縠也縠縠皆聲近蠻也云每
服之外更言三百里二百里是禹所弼之殘數者謂此

百里納總至五百里米之殘數不在甸服正數之內是禹所輔廣堯封五服皆然則堯之五千里至禹廣為萬里矣鄭云土廣萬里者同古尚書說詩殷武疏辨王肅之非鄭云傳稱禹會諸侯于塗山執玉帛者萬國執玉帛者惟中國耳若要服之內唯止四千率以下等計之正容六千餘國況諸侯之大地方百里三等分土纔容數千安得有萬國之言乎其辨甚當案禹貢山川皆在漢時郡縣之內漢地廣萬里則知禹時五服亦然不得謂鄭說異于今文之非也云甸服比周為王畿其弼當侯服云云者文見周禮夏官職方氏詳載臯陶謨弼成五服疏此東漸于海西被于流沙朔南暨聲教訖于四不復出

海注

鄭康成曰朔北方也南北不言所至容踰之暨一

作泉

疏

漸者漢書集注云入也被者廣雅釋詁云加也暨者說文作泉云與也漢地理志作泉爾雅釋

詁云暨與也訖者說文云止也爾雅釋詁云迄止也藝文志引經作迄迄俗字漢書賈捐之傳云以三聖之德

地方不過數千里西被流沙東漸于海朔南暨聲教迄于四海欲與聲教則治之不欲與者不彊治也漢紀引作北盡朔裔南暨聲教欲豫聲教者則治之不欲豫者不彊治也是亦訓暨爲與也與讀爲豫四海者爾雅釋地云九夷入狄七戎六蠻謂之四海鄭注禹錫元圭告見史記集解及書疏云朔北方者釋訓文

厥成功

注

史遷說爲帝乃錫禹元圭告成功于天下

疏

禹錫言禹受賜圭者說文云瑞玉也上圓下方公執桓圭九寸侯執信圭伯執躬圭皆七寸子執穀璧男執蒲璧皆五寸以封諸侯从重土古文作珪雜記又云博三寸厚半寸剡上左右各寸半玉也藻三采六等史公以爲帝錫禹者言舜賜禹元圭以酬庸也大平御覽皇王部引尚書旋機鈴曰禹開龍門道積石山元圭出刻曰延喜王受德天錫佩漢武梁祠堂石刻祥瑞圖云元圭水泉疏通四海會同則至則以元圭爲天錫瑞應此今文說也